

光緒江西通志

江西通志卷七十五

建置略四

壇廟三

吉安府

社稷壇在城西南甘泉門外舊在門內宋元祐八年郡

守朱鞏遷今所明洪武七年知府王汝霖建

謝志

先農壇在西峯寺左

國朝雍正四年知府鄭嘯建

謝志府志

神祇壇在城西南明洪武七年知府王汝霖建

府志

厲壇在城北二里明洪武七年知府王汝霖建

謝志府志

關帝廟在南門外舊爲商民公建

國朝乾隆十九年知縣周作哲倡修一在治南五里站前

明萬歷閒知府余之楨建

國朝康熙三十二年知府羅京拓廟右基地乾隆三十九年知府盧崧重修咸豐六年俱燬於寇十年知縣姚體

備移建城內石陽書院右

謝志府志

文昌廟在府學明倫堂左

府志

城隍廟在城西一里城隍岡宋建紹興閒賜額靈護廟
明曾舉重修

國朝雍正三年知府吳銓重建咸豐六年燬同治十二年

知府特克紳布復建廬陵縣城隍廟在府學西乾隆十一年知縣錢界移建於城東南隅鐘樓左咸豐六年燬

十年知縣姚體備移建

謝志府志

龍神廟在南門外金牛寺左祀福贛甘澤龍王雍正六

年建旁爲甘雨亭乾隆三十九年重修

謝志府志

火神廟在西門外山川壇前明萬厯閒建一在南關外

大街九壠巷口

府志

劉將軍廟在縣廨左舊爲知府林逢春祠雍正十一年

知府張坦讓知縣吳蘭成因祠址改建

府志

東嶽廟在螺子山南名曰龍坡今改祀文山廟遷螺湖

橋畔

縣志

孝通廟在十都

謝志

香城廟在城北三里祀漢召信臣已廢

謝志

文孝廟在東門外背城面江

謝志

古城廟在七十一都隋大業閒建祀陳武帝

謝志

惠佑廟在神岡山祀陳曲江縣侯劉竺竺嘗守廬陵沒

而建祠宋賜額惠佑封嘉應侯謝志國朝施閏章記

山其廟曰惠佑祀太守彭城劉公山故名翠峯以其廟

神之孔赫也相與神之命謂之神岡云公諱竺仕陳為

廬陵太守治於郡人既卒其民悲思呼謂公嘉惠

我邦吾儕小人弗敢忘其擇地祠之作廟於山之岡雨

賜之無不若百穀之不堅實疾病之不時去凡有冀而

獲他無不可告則惟神是歸邑人龍昌裔家積粟利在歲

饑以漏其糶會旱私巧神請更彌月勿雨是日輒大雨

雷震昌裔死廟下視其髮中得禱早之辭民有懷愿不

仁者心掉魂奪亟走去不敢入廟其神大顯南唐保大

中贈工部尚書明惠侯宋宣和入廟其神大顯南唐保大

年封嘉惠侯徐鉉胡鉉先後紀其事其山峯曲而憑江

水清林茂山川雲物之美具可登望余開從賓僚往遊

顧廟碑石壤田字謂廬陵縣令于君藻曰劉公澤在

民廟食斯土神之輒應又能奮餘怒擊頑貪震悚觀聽

補吏職所不逮惠且能義今碑版缺剝即事存傳記來

石公其人撰辭於大詩岸斷川平拔一峯丹靑剝落古

吉宋周必大詩岸斷川平拔一峯丹靑剝落古靈宮

邦人歲久忘遺愛賈客時來乞好風二水有情猶繫折

霜楓無數尚旗紅岡頭故阻宜亭榭城郭江山在眼中

在章江之西故名南唐吉郡守劉公竺生祠今西臺寺

也公守郡時政暇自郡治登山習靜有二白鹿隨車生祠即公習靜處公既沒助國福民靈爽大彰郡人名山曰神祠以不忘公而拓生祠為廟久之聞於朝以其臨也於是移寺於今地而較有司廟於高平之處嘉靖初尚有廟祝周姓者家寺之東廟之西子售周氏地重建亭堂顏魯公嘗一遊青原山山谷賦之云事如縑鶴注名與南斗偕矧公賞勝茲山久矣公固存也修竹西寺前朝太守祠我來時勝蹟事往見殘碑舊賞青山在仙蹤白鹿隨空令人代裏懷古有餘思

興泰廟在社稷壇左祀唐安福令劉豫又名劉公廟謝志

白志舊案闕經興泰廟即唐子西惠州所祀興泰民二王神又案宋劉須溪所撰興泰廟碑記謂劉豫第十七非安福令劉豫未知孰是並錄於此

田刺史廟在南門外唐刺史田陽卒於官臨終曰吾死

不忘吉州之民民感而祀之謝志

介剛廟在城東南唐吉州刺史蕭芮有善政結茅庵於高阜講老子書自號蕭道者既解任民即庵址立廟宋

周必大上其事賜令額

謝志

雲騰廟在城西唐吉州刺史吳世雲罷政隱於玉笥山民爲立廟天寶中賜額雲儲大順中改今額

謝志

輔順廟在永和市祀唐仙人匡智宋建炎三年神護元祐太后紹興中敕賜廟額

謝志

南平王廟在城東南四十里祀唐節度使南平王鍾傳初立祠於陽臺嶺宋熙甯間一夕大風雨移廟於平陂兩山間水旱疾疫祈之立應

謝志

白馬廟在小學南祀王來知神五代時人常乘白馬號

曰白馬王

謝志

宋謝

謂記

考其

傳蓋

五代

名將

王

諡信

五代史王來知字信通常爲忠懿王將軍乘白馬軍中號白馬王即但錢塘亦有白馬廟宋建炎間以祀磁州崔府君江省白馬廟所祀者爲許旌陽弟子兄弟二人吉人訛傳竟謂錢吳越王參考古者當詳焉

靈佑康王廟在白沙祀宋康保裔謝志宋歐陽守道

初北邊名將也祖諱志忠仕後唐討王都戰沒父諱再
遇從太祖征澤潞與李筠戰沒太行山下鄉民廟其所
王在後周卽有戰功入本朝連守數州最中彰國節
度爲高陽關都署契丹入寇范廷召自中分兵迎
擊來求援王領兵赴之曰已暮約詰朝戰是夕廷召
質明敵騎獨圍王數重左右請易甲以逃王曰臨難
苟免吾效死日也大呼決戰數時合矢盡王以弩擊
傷甚眾遂死之四事聞眞宗震悼久之優詔贈侍中
母年八十有封河東郡夫人使賞勞賜金封陳國夫
薛氏先卒追封河東郡夫人使賞勞賜金封陳國夫
使順州刺史繼明繼宗悉加寵職諸子感泣謝罪
伏地不能起上惻然慰勞且顧左右以王之祖子孫
世戰沒嗟惜之事見國史咸平三年庚子距今祖
申二邑有以王之封號爲請皆卽日報可自王之身
郡邑有以王之封號爲請皆卽日報可自王之身
父母妻以王命書封爲恩數甚盛以死勤事之報至
未已嗚呼盛矣非爲其以禍福驚動斯人也廬陵諸
皆有王之別廟遠近不知敬造妖誕走集莫敢追盛
以司度冠往祀而不知敬造妖誕走集莫敢追盛
以司度冠往祀而不知敬造妖誕走集莫敢追盛
自昔已然王重不以其陳陳不磨之忠乃見僭於伯
強之列薦享驥慢罔有替香甚則荷校縶衣自爲業
因

巫操其權禁貫在口敢有出一語禁其神顯樂與立威之
黨此戰戰相恐若謂禍且立至何事斯人神信方策誦言王
如平哉揆厥所原蓋學士大夫未莫之或止竊嘗論之
人之神一生也易言原始反終故知死生之說精氣爲物遊
魂爲變是故知鬼神之不可度鬼神未易知也吾類以死
生之物變觀之則天地之感鬼神惟一念及之與其超於清
萬化之生也動念王以戰其神不殞先烈於家爲孝子於
國爲忠臣一念王以宏底於生人臨之是用冥漠此念豈有
土禦災捍患以王爲人謹厚謙退雖好禮崇儒及其捐軀
異於平生哉且王爲人謹厚謙退雖好禮崇儒及其捐軀
殉義乃卓然有力如此盛德之工所假以震眩流俗者則陰
有慘烈之士誠以是固繪其德之容尚可想見不然則陰
威怪妄其亦何所不至今之意王所以事神亦震眩流俗者
轉若病狂者矣而息邪說正人心王亦厭之氣志謂一國俱
不假手於人而義如山奉詔守郡心是在有民人社稷者之
職分豫章李侯義山奉詔守郡心是在有民人社稷者之
於神祠言出應隨如響斯答嘗與郡人正岐陽而二之也
言曰古人爲政兼理神人未嘗如後世岐陽而二之也
王之有廟於此而祀事既經式焉甚慨然悼王節祠味與斯
人之有廟於此而祀事既經式焉甚慨然悼王節祠味與斯
疾此舉契於神心守道拜稽首取國史所載敬刊之

石

忠義廟在宣化鄉宋紹定二年南安峒賊趙九萬肆掠

大鵬民蕭必顯倡義禦之戰死者三十六人州上其事

詔立廟焉謝志蕭山父記者老談及己丑事未嘗不

方峒丁價蕭君擊節不知當時如陳都統者視死若

奮不顧身召義勇為鄉井金湯請戰以身舍矢如破焉

呼忠義之心人誰無之如蕭君則獨能為陳之所不能

向非以一矢殲敵渠魁則其猶獵巨獬測豈獨一西昌受

其毒哉當時之殲於兵刃者蕭且廟祀之使忠魂義魄

有所託其用心誠仁矣是以英氣聚而為靈猶能託夢

於數十年後而嗣子又克承其志蕭之靈其與諸忠義

俱不泯矣嗚呼宇宙茫茫風塵眯目若得蕭君者落

數十輩支虛為實弱為強力戰於原死守於鄉則天

下事猶可為也余將憑軾血灑杯酒招張睢陽顏平原

岳忠武劉順昌告之以天下之大義使蕭君血一指以

從其後其有知乎余為記以勸方來之蕭君以愧後來

之陳都統者

水府廟在府南龍鬚寺右祀水府蕭伯軒之神明正統

初知府陳本深建舊名英佑廟

謝志

劉洞廟在府治西南毛公渡洞宋開寶時人廟近有官

陶十數造琉璃器器苦窳司陶者必禱焉

謝志

太保廟在西門內祀元劉秉忠

謝志

關侯廟在南關外大街明崇禎閒邑人爲知縣關捷先

建

府志

明侍中祠在城南城隍岡祀唐正諫大夫明崇儼

謝志

顏魯公祠在府治通判廳西宋咸淳四年建

謝志 歐陽守道記

唐名賢遺蹟在吾廬陵者惟魯郡開國顏文忠公廬陵
去長安二千里唐所選郡守氏名猶可考然名賢罕
有至者獨司馬公有民到於今稱使公不以謫故屈臨
於此三百餘年鉅公大人吾州竟不一見邾然則名賢遠
去天下之不幸而猶爲所謫州之幸如道州陽公潮州
韓文公之類往往始以僻遠爲流竄有罪之所終以流
竄爲君子過化之邦入其或者有有意焉非唐之君相爲
之也魯公未至吾州王朝故罕以名賢出使而土生於

茲士者亦不見其有入仕於王朝公去五百年人才輩
出文物彬彬矣是豈無故宋咸淳之四年古鄆孫君洙
爲州通判創公祠堂於廳事之西慨然謂某曰今通判
唐司馬也洙聞州治自唐至今承平之地官府民居無
遷改焉則魯公之爲司馬或者居於此矣西有古柏十
二株洙選勝而建公祠焉蒼皮黛色與廟貌宜公平生
勁直之氣其肯棲神其間也子爲我記之且自洙來此
州人上每有談先賢者自歐公以下輒而有矜色皆又
自奮而與齊者洙固願來者之如今然揆彼先此州
諸君子皆魯公之遺風流俗也魯公事君有犯無隱慍
於羣小之死不回此州諸君子之立朝不如此乎魯公
遠謫所至安之流落復歸終不懲艾此州諸君子之去
國不如如此乎諸君子固無一不與公同者而公以八
元老殞於賊手高風勁節誰其繼之乃有哲爲趙鬼折
首剖心於金賊犯鄴都故相奉降款之時者天子聞而
哀之而論大臣宜以唐某爲比夫綱常大義天下所同
何公所屈臨之州特有此人若合符節也洙讀唐藝文
志見公有廬陵集十卷又聞城東有青原山公所遊也
留題在焉願一往觀而無暇夫公以謫來青澤有不得
下於民者矣而徜徉山水遊戲翰墨士必有得侍公之
杖履書策者公雖名在天下想輿臺卒伍猶得以事公
爲喜況爲士者乎況親炙之者乎昔屈原謫於湘水之
南而忠潔之廟過者式之興起感發者不特以讀離騷
而已今此州俗化受公之賜多矣建祠以報而又永其

勸也子記之某正襟斂容而對曰事有曠百世而相感
者予不自知其何心古人所事之君父非有親愛於今
人也或聞談古人之忠臣孝子則泣下交頤古人所亡
之家國非有痛切於今人也或聞談古人之忠臣孝子則
髮上指冠是其然也公之留吾廬理民彝無古無今發於
然不自知其然也公之留吾廬理民彝無古無今發於
蒿悽愴若或見之者在人目中人固忠孝之天見公矣
況君又肖公之像凜然如生乎太史公每最喜古名節
士平生經行之地每聞其人遺蹟輒徘徊悲歎而不能
去君於魯公如此某亦有以知君之心也祠既成宜有
歌詩以迎饗送神某既奉命書歲月而心又爲之詞曰公
免考冠令出專城朝野熙熙分寢五兵海波晏然公伏
長鯨斗柄無光兮城野熙熙分寢五兵海波晏然公伏
虞小寂無聲兮敵愈勅歸見天子兮涕交橫終消惡運兮
我力不競兮不德兮趨險傾誰塞言路兮蔽天明陛下
復爾京覆車不德兮趨險傾誰塞言路兮蔽天明陛下
孤立兮勢已成存亡一決兮臣當爭九關有虎兮那可
櫻巴峽雨從兮召還兮非公榮有拂吾膺兮又屢鳴元
兮留耆英白首召還兮非公榮有拂吾膺兮又屢鳴元
老進退兮國重輕汝蔡難作兮詔公征婉愉勁折兮仗
忠誠頑不我聽兮吾無生大馬希烈兮詞元平平生許
國兮今結纓九泉相見兮常山兄精誠在天兮秋日晶
下詩惡逆兮者靈肅高風勁節兮照寰瀛何獨廬陵兮
留公名儒者立志兮逮孺嬰我作廟祀兮因人情廟與

古柏兮俱崢嶸公駕飛龍兮揚霓旌薦不敢瀆兮屏酒
牲餼香再拜兮酌以青原山水公所著味之深清公不
留兮使我耿耿
至夜魂營營

三賢祠在府學東初專祀顏真卿宋咸淳間知州倪普

以姜公輔余靖附焉歐陽守道記廬陵郡學有唐顏文忠祠舊矣今太守金華倪侯普附

以建中宰相姜公我朝余襄公號三賢祠顏公大歷別

駕姜公貞元初刺史余公慶應開知州也廬陵稱文獻

之邦蓋歐陽文忠公而後皆鄉先生故學祠之合於古

有道德者祀於舊宗之義顏公京兆人姜公曰南人余

公曲江人吾郡其仕國也祠之何漢蜀郡祠文翁南陽

九江祠召公其比也而三賢高風大節宜表章之為賢

者勸則闢於風化又大矣學記曰三王之祭川也必先

河而後海或源也或委也此之謂務本郡守古諸侯別

駕其貳如古命鄉此天子所使承流宣化者雖三君子

皆以謫至然實風化所由出其人而賢境內人士固將

則而象之茲不謂之源與廬陵故屬豫章太守如東漢

陳仲舉既以名節師表海內所莅之地宜有間風而興

起者然而尚矣三國六朝守廬陵者名氏皆可考風流

茂如也唐中世顏公始辱臨之而無君長之權姜公以

故相來而新舊史不同蓋莫詳其至否獨余公留期月

而去之蓋邦人利賴其福澤亦淺矣然高風大節皆當

時之所素傳則夫一日之親炙與夫未見而想望之者
宜可以使人沒世而不忘也顏公之來此也與詩人文
士倡酬爲樂世傳其廬陵集十卷今溪山深處猶有公
手自題名刻石如新蓋遷客遊浪自適之常而其力抗
祿山面折元載之勁氣亦必有得之於容貌詞色閒者
姜公未必果來就使其來起家一刺史耳間巷小民安
得盡知是嘗策朱泚之必反諫唐安之厚葬者然而爲
國忠謀嗣人主不測之怒未有爲士不講問之也余公
世近郡人紀其居官而詢細民之疾苦健吏之刻削往
往踐其表謝之言而力行之此求牧與芻者之職公之
可敬不在是也爲館職救忠賢爲諫官排姦倖皆前日
事公又非以自多而期人知者然其歸也士有開闢千
里涉江逾嶺而從之此豈聲音笑貌之所能動者哉三
賢者功在社稷名在朝野吾廬陵尚論其世以爲猶有
君子之澤在焉夫固不待以其立身事君者教人而兼
彝好德自興起於不言之表今居而逢掖出而擢紳皆
知以前修白期是可以推之表今居而逢掖出而擢紳皆
擢御史也論諫之外密待經帷其所自來矣倪侯我先皇親
未言者余時忝同朝得叨聞之去國之三年詔爲吾州
守予里居之暇時奉候從容未嘗不在風化也國之存
亡民之死生寄於士之人品高下卽與世道爲輕重志
士仁人彙自任必自養挾書遊學皆端居深念之矣土
亦知侯有素信向翁然三賢祠之成也侯屬爲記噫此
盛心也予敬諾而重其事比侯將去乃克爲之屬之權

州事孫洙刻石焉夫三賢皆吾州師表侯又表章之使
拜於堂下者皆有動乎其心退而又瞻鄉先生之像次
第相承以至今日源委皆可覩也先聖有訓焉知來者
之不如今也侯再入爲祕書少監兼侍讀予與二三子
又將於侯觀美焉姜公刺吉在大用而不得志之後余
公驪馳四方以功業終惟顏公再入忠言謹議不哀於
前時而歸然一節落逆賊之膽而奪之氣蓋光明之最
君子所不願者其時而久遠相期爲國元老昔在文武
不二心之臣保父王家用端命於上帝顏公有焉可以
爲侯顯之也詩云人之好我示我周行又曰無言不酬
無德不報咸清四
年二月壬午朔記

國朝乾隆四十二年知縣李洗心增祀江萬里王守仁改

爲五公祠

謝志縣志

六一祠祀宋歐陽修一在府治內墨妙亭舊隄宋嘉泰

元年州守胡元衡建一在西街建炎元年州守方時建

謝志郭孝友記初國朝文人承李唐之餘風氣格傲

傲曠歲歷年而學士大夫無能有所作興粵自歐陽文

忠公首以古文變天下而一新其耳目譬如春雷出禁

萬彙畢從由是反刻刻爲盡革五季浮豔卑弱之氣而

歸復於六經渾厚深遠之道逮熙豐間臨川王文公又以經術自任大訓厥辭而尤詳於道德性命之說士亦翁然宗之於是文雅跨漢轅唐炳然與三代同風言文章則歐陽爲之伯語經術則臨川爲之冠然臨川之學黜傳註而繼以己意其說有合有不合故學者所見時有異論至於文忠公則天下仰之如泰山北斗蓋其言洪深涵墨莫窺涯涘而與六經相表裏故世未有能非之者然異時臨川配享孔子廟庭議者不以爲宜得祀於七十子之後文忠公首倡古文力排異端而歸之正道其功不在孟子之下乃不得與漢唐諸儒比而廟食於殿廡何邪古之有道有德者不得祀於國必得祀於鄉公廬陵人也嘗爲郡之學記盛推郡侯李寬之爲人而紀其績於石以俟學之成且曰惟後之人無廢慢天子之詔而怠以中止又曰他日榮歸故鄉竭於學門將見吉之士道德明秀而皆可以爲公卿此公之所以自期者也然公不特以此自期而亦以此期於士於吉之士則公之在滁也滁人祠之在揚也揚人祠之及其老而家於鎮水之上雖不克歸榮於故里而故鄉之人蔭其餘輝霑其履屐述道德則以公爲稱首序鄉里則以公爲盛事自公之薨垂六十年而後爲公卿之士操勛名節表表自見於世雖未必人人可以爲公卿然而類能以材猷而惠陵士視他郡爲多蓋公有以發之也然則公之所

以昇於邦人者厚矣邦人所以報公者豈可後滁揚之
人邪今刺史福唐方公時可之來也政成訟簡吏畏民
愛既慕公之盛德爲百世師又思公之前言以無慢天
子之詔且推原邦人之心而成其所以報公之意於是
作新學宮恢飭廟貌自先聖而下以至於從祀之列弁
冕巍巍絛紱肅肅薦獻有所矣而又卽殿閣之後建堂
以爲公之祠歲時率生徒祭享之此古之所謂有道有
德者不得祀於國必得祀於鄉者也孝友恨生之晚不
出乎其時不及登公之門而聞其謚歎徒幸生公之州
里誦公之遺文而思其風流慕義於無窮故因堂之成
也有以見公之道益尊廟陵之人慕公也益至而方侯
之政知所先後其歌詠於人也愈久而愈光鄉校之士
歲時謁先聖於其前退而相與拜公於其後以得所矜
式又退而相與歌詠方侯之績使無忘於此邦之人不
亦有榮耀乎堂成方侯不鄙孝友書來求文以記軫不
自揆忘其人之微陋辭之淺陋而樂爲邦人道之於是
乎書若夫公之勳烈在朝廷德望在天下進
退之閒世系之詳則國有信史此不復著云

忠節祠在府治南宋州守李芾建祀歐陽修楊邦乂胡
銓周必大楊萬里明宣德閒增祀文天祥正統閒增祀
劉球天順閒增祀李時勉宏治閒增祀劉子輔鍾同凡

十八

國朝康熙四十六年學道楊禹增祀明王良曾鳳韶鄒瑤
魏冕周是修顏瓌王省張彥方劉臺傳應禎鄒元標李
邦華李之清郭維經凡十四人康熙五十四年學道魚
鸞翔又增祀南唐陳喬宋左譽胡夢昱孫逢吉曾如驥
劉子薦曾三聘元劉鶚劉運李廉高文鼎劉元謨郭煥
章蕭生解子元陳無吝李敬顏浩明劉鐸李幹凡二十
人謝志明周忱重修疏虞陵郡城南舊有忠節祠以
祀歐陽文忠公楊忠襄公胡忠簡公周文忠公楊文
簡公文信國公諸先達歲久傾圮比葺為邱墟茲當
盛世觀風至此欲興復以為上庶瞻仰之所且以為
下後世之為臣子者勸然而工費浩繁必資眾助乃
成功郡中賢士俱請題名伏以忠節名儒寶貴千古
之典則春秋祀廟乃四方君子之瞻依表章有繫於
常與廢必闕於政教淮廬陵之大郡比鄰魯之名邦
大下以古文素推六一為江南而死節威傳忠義若
濬菴之抗疏朝廷平園之盡心輔相誠齋垂老愛君

飯之不忘信國捐軀繫獄七年而必死固雖一郡之鉅
公總是斯文之元氣昔陳麟藻曾賻大廈之宏規今作
邱墟無乃明時之缺典屬茲按治相與贊襄託郡邑以
經營賴賢豪而齎助屹棟梁於此日滿期重信義而輕
貨財復香火於千秋足以振儒風
而勵忠孝使婦一筆莫惜千金

二程祠在城東白鷺洲書院宋知州江萬里建又名六
君子祠以郡之從事理學者配

國朝咸豐閒書院燬祠亦廢同治七年改建書院於仁山

仍建祠於講堂東南隅謝志府志元劉詵記聖人

未發之蘊是皆神化之所蓄至理之所待天之所以扶
持乎三極綱維乎百代也故其人或騁世而一見或接
迹而相承或出於一家比境之閒或合於殊鄉異域之
外非天下人心之所能領擬者也自伏羲畫八卦囑千
有餘年而文王周公闢之自大禹發九疇亦囑千有餘
年而箕子武王明之自夫子集六經羣言之成又百有
餘年孟子繼之又囑千有餘年而周子二程起於一時
凡孔孟之遺言遂大明而無餘蘊嗚呼是數聖賢之作
時之或久或速地之或遠或近皆天地之數與聖賢之
心默相符於冥漠之表天地能啟聖賢之生聖賢能結

斯道之命然天地能知數之所以敬聖賢不能知數之

學本同一源自孟子未有人豈能預擬哉且文章之與理

學本至宋初文章復大盛徵周程理學亦泯矣謂周程

不關天地之數不可也然二程之學始於周子使二程

子師周子由太中公使太中公得無意焉亦不可也

於宋嘉熙間廬陵江萬里來守吉遂推明二程從周

子由吉先之乃冊為洲書院祀二程及太周子焉後

十七年衡陽陳斗南來尉廬陵又推明吉之祠太仲

程是矣未若廬陵尉臆祠之尤為親切乃復建祠於

廬然祠臨而旋殿皇元內子縣尉李灝復作祠祠益

又即毀像寄他祠垢穢滋甚至正元年古魏沈來為

尉慨然嘆之遂白監郡愜都刺闢地於尉廬之右構

三開前環夷庭旁列齋舍高明疏敞祭有餘地誦有

屋可謂盛矣按二程子實生黃之黃陂尉廬而黃州

知祀二程太守李說始為祠紫陽先生以黃州請則

黃陂尉廬不祀太中可知豈非官政之善而風俗之

不治而吾廬陵祠若此豈非官政之善而風俗之美

褒忠祠在縣治西祀宋楊邦父謝志元劉岳申記廬

為宋贈徵猷閣待制忠襄楊公之祠公諱邦父字希稷

古州吉水人登宋政和五年進士第通守建康城陷死

之建炎三年十一月也初女貞入寇宰相杜充以重兵
降戶部尚書李祝以總餉降守臣陳邦光以城降公獨
不屈血書衣裾誓以必死眾擁之跪兀求即死金人驚
其酋致書許復其故官公以首觸柱石求即死金人驚
懼亟救止之公復書死且不畏利可動乎幸速殺我明
日宴悅邦光堂上立公堂下公大罵祝邦光朝廷以汝
捍賊賊至汝不能捍又為降虜與賊共飲宴何面目見
我乎金人相頌失色明日再見兀兀公大罵汝欲取中
原邪行磔汝萬段矣尚欲汚我乎兀兀命速殺之公罵
不絕以死事聞贈直秘閣官其二子賜田百畝立廟死
所紹興七年高宗幸建康贈徽猷閣待詔賜諡忠襄官
其二子加賜田三百畝廬陵舊祠公於學宮端平甲午
金亡之歲始建今祠地故顯敵而祠幽遠門廡嚴翼中
為高堂又敞其中為肖相之室守以閭闔聽以祀田宋
亡豪右巧侵僅存像設至顯癸酉真定劉侯原仁來守
廬陵修顏魯公歐陽文忠公祠於是天厯進士劉性以
衰忠為請曰廟故祠朱死封疆臣楊忠襄公為侯誦之
侯慨然即日命有司修復其舊既成性求文記其歲月
余辭不獲則記之曰惟我廬陵自歐陽公以文章氣節
為東南倡鄉里聞風而起者曰監丞歐陽公以文章氣
命割兩河地與金人死深州城下同時相繼而死者公
也其後有忠簡胡銓上書乞斬秦檜王倫孫近金人購
其書于金得而讀之君臣失色喪氣然猶坐忤檜竄新
州十九年其後丞相益國周公文忠以耆德老三朝安

撫楊公以文學節操名一時實忠襄從姪孫宋亡丞相
信國文公以光明俊偉死燕市開天下有光忠節無有
及者此六七公皆發身科第不出廬陵吉水間尚論淵
源文忠之澤遠矣而忠襄之烈實與同時以開來者其
可沒乎公未第時有以尤物移之者公明燭危坐且則
焚其衣冠謝其徒其生平大節已定於此我國家列聖
御極屢詔天下凡忠臣義士在祀典者致祭有嚴猗歟
盛哉蓋褒忠者所以勸忠非以忠義在人心者乎在人
心者本不繫祀之與廢記之有無而於以繫人心厚風
俗亦不為無功昔歐陽公以王彥章死節既列其事於
史而為之傳又命工完理其畫像於鐵鑄市而為之記
蕭宰拳焉公文豈不足於傳而猶使人拜其像識其面
目則公之意從可識矣

胡忠簡祠在香港山下祀宋學士胡銓謝志明吳寬

學士忠簡胡公鄉人祀之學宮以配歐陽文忠公其子
孫復祠於香城里第大君子之澤五世而斬斬則復窮
復窮則法不得祀雖公賢去今三百年餘矣曷祀之子
孫可也鄉人又易祀之噫公之功在天下後世所當廟
食況其鄉人哉又況其子孫哉當靖康之初金人長驅
而南廟社傾陷乘輿播遷中國之禍莫劇於此其始因
閭人喜功之由而釀成此禍者則權臣秦檜主和之罪
也檜凶狡挾虜要君竊勢罔人當其時朝士蔽於遠圖

棺言一出從者如響或止徵言其失利耳若明曰張瞻
而極論之者不過公與李綱張闡二三人而已然公尚
卑位而言尤惻切有不共虜戴天立朝之誓奏疏具在
讀之令人毛髮竦然真能與日月爭光者也槍用是銜
之竟斥公死地已而槍死而公獲再用益操前說進退
愿愿以恢復為言且死遺表猶有願為厲鬼殺賊之語
則公之忠誠堅定豈賣直於一時者之比哉嗚呼公乎
當時舊物雖棄公畫不克光復而萬世國是卒賴公言
未至盡亡遂使天下之人綱常之義未墜者其功乃
所以為盛也此固所在當血食況其鄉人其子孫哉

楊氏忠節祠在白馬廟舊址祀宋楊邦乂楊萬里楊長

孺明楊士奇楊廷和副使楊必進請敕建祠謝志元

廬陵楊氏作忠節祠者何昔金人犯宋沿江諸郡皆望
風奔潰其先忠襄公邦乂以建康通判被執馬賊死韓
侂胄專國擅兵文節公萬里以實謀閣學士家居聞之
三日不食死故合而祠之也中祀建康通判贈通奉大
夫存者何嘗以直抗蔡京為楊氏忠節開先也別祀廣
東經略使長蘄吏部郎官孫汝假驪同知崑山州事學
文者何經略仁聲義實風樂天下在廣東三歲蘇人七
萬緡盡以代民輸丁租不持一錢去吏部闕通敏惠奉
法循理為時良臣崑山好德尚義能以私錢復文節故
居創田百畝以建祠事皆克紹先烈者也天下楊氏皆

祖漢太尉震廬陵之楊則自蜀徙蓋太尉之孫唐園子
祭酒膳從信宗幸蜀而居眉者之後也自秦漢之後有
天下卓然三代之宗明王道之本及其衰也楊忠襄胡忠
古文正天下之宗明王道之本及其衰也楊忠襄胡忠
簡以大義折敵國之氣裔中興之運當其亡也文丞相
斬首燕市終其盛哉夫卓然可繼三代者宋也然夏之
出於廬陵何其盛哉夫卓然可繼三代者宋也然夏之
亡以桀之暴殷之亡以紂之虐又以湯武繼之宜其東
征而怨無思不服惟周以弱亡與宋同然周之東遷亦
有楊忠襄胡忠簡乎周之亡亦有文丞相乎是能使周
之亂亡猶有愧於宋者楊忠襄胡忠簡文丞相也文丞
相之死亡豈非有忠義父節爲之標準乎不然何又出於
廬陵也忠義不可及已至若文節年六十餘已懸車告
老將二十載矣問一權臣擅國遂至餓死使在文丞相
時當何如哉故廬陵若歐陽氏楊氏胡氏文氏又有身
致乾道之治若周文忠氏皆國家之元氣也而歐陽氏
又廬陵之元氣乎崑山之子元正請記忠節祠故並及
之焉呼觀楊氏祠則廬陵多賢之故楊氏人物之盛宋
三百年養士之效亦可見矣世所言士無益於國可乎
元正亦楊氏之賢子孫也蘇太常奉祀爲江西行省屬
祠成於大德七年記作於元統二年明解縉楊氏重
修祠堂記宋楊忠襄公以大義死建康聞於天下其族
屬先後皆有節行蓋楊氏建家於吉自門下侍郎知吉
州路始侍郎善待士唐末五季之亂士大夫多依之以

居治宋之初吉之名族視古爲盛真宗大中祥符八年
侍郎諸孫伍擢進士甲科仕至屯田員外郎知康州以
清謹與鄉人蕭侍郎彭太傅齊名真宗御展翰書於殿
柱曰江西三瑞仁宗皇祐初著作郎純師以文章顯蔡
京之柄用也洪州通判存抗以直言格其請託卒爲所
擯卓然之行倡於忠襄之前至文節公萬里以寶謨閣
學士致政家居聞韓侂胄專權誤國草諫疎畢憤惋不
食死子致長孺仕至安撫使直義之化沾濡蠻越聲豪強
不避近戚捐俸入七十餘萬代輸民租不持一錢去凜
然之節繼於忠襄之後又若安撫使史編古未有也於法
孫孜皆見稱於世不辱其家猶之史編古未有也於法
皆當祀以表節行勸風俗故元盛時楊氏之賢同知崑
山州事學文始卽文節公故居爲祠規制廣於前而田
益加多歲久弗治田蕪宇傾予先世與文節公有連少
知讀其文見與益國周文忠公及晦菴朱文公鄉之諸
君子過從篤詠想見一時之盛徒步謁祠下江東諸山
如畫屏列於前地據高爽宋崇陵御書誠齋字揭文安
公所撰祠記刻石具在喬木蒼然挺秀爲之伫立顧望
興懷低徊而不能去者久之永樂二年甲申八月初吉
楊氏之賢季琛以舊臣膺京兆之舉作令南海次修祠
之顛末授予而請記焉蓋經營於元年八月以今年五
月訖工季琛實倡率其族人因其故六楹及條材可用
者益以新木凡三百四十有奇磚甃五百有七增設始
祖吉州公及屯田公二龕諸小宗顯宦序昭穆從祀廢

像設用木主刻世宗祀田祭器牲幣酒數儀節科條於
碑陰祭用冬至立春子孫緣歲轉直祠祀祠宇壞漏輒
飭無怠罰如科條所以尊祖而垂後可謂遠也已可謂
詳也已於乎豈為楊氏而已哉謹案據揭解兩記祠
祀者尚有楊路楊伍楊純師楊存楊炎正楊

孫孜楊學文七人各志皆不錄附識於後

三忠祠在城東北祀宋歐陽修楊邦乂胡銓嘉泰四年

建縣志周必大記文章天下之公器萬世不可得而
私也節義天下之大閑萬世不可得而踰也吉為江

右以上郡皇朝建今二百餘年兼是得三公焉曰歐陽公

修以六經粹然之文崇雅黜浮橋術復明達以忠言直

道輔佐三朝士大夫翁然尊之天子從而謚之曰文忠

莫不以為然南渡猶撰右丞相杜充撻挾臣金金陵守

陳邦光就降惟通判楊邦乂戟手罵敵視死如歸國勢

凜凜士大夫復翁然尊之天子從而論譔之賜謚曰忠

襄則又莫不以為然時宰議禮眾論洵洵惟一編修官

胡銓毅然上書乞斬秦檜使三綱五常賴以不墮士大

夫復翁然尊之天子從而褒贈賜以忠簡之謚則又莫

不以為然然之謂三忠雖然此邦非無宰相如劉沆沆

之在朝嘗薦進文忠翰苑又引富文忠共政而列名著

在勳臣之次謚則未聞也子瑾孫備俱仁待制迄不得

請矧被遇之從臣乎夫然後知節以壹惠天子猶不敢

專亦必士大夫翁然尊之乃可得耳廬陵宰趙汝廈創

縣庠立三忠祠歲時率諸生祀焉巍巍堂堂衣服有章
學者固仰其焯焯煌煌若夫百世之下問風興起得無慕
烈楊顯光者邪
汝廈用意遠矣

四先生祠在西門外祀宋歐陽修胡銓周必太文天祥

同治九年建

縣志

雙忠祠在府學東康熙二十三年知府劉德新建祀宋

歐陽修文天祥

府志

高城記余視學江右之期月課

明年為康熙甲子之孟夏復至吉錄士士之就鄉舉者
蓋已竣事而將去此上矣因以所得俸入檄有司求二
公祠所在葺治之以遂前志則歐公舊祀於恩江而文
公故祠之在螺子山者已廢毀不可問太守劉君裕公
尚德君子也議益以已俸就郡學之西偏建祠三楹合
祀二公以為吉士勸愛鳩工庀材不日成之孔子曰見
義不為無勇也劉君以余一言而毅然為之不日而就
謂非勇於赴義之君子乎祠成請記於余余惟目運而
不息者天也日生而巳者人也古之君子無論窮而
在下達而在上各有所樹立以與天地同不朽雖其成
敗利鈍代不相襲而要皆有毅然必為之志百折而不
回忱之以死生利害而不可奪故其氣常伸而能以有

成也當時怨怒罵議公知貢舉盡黜文士新奇怪僻之在高第者
一代史及他著作編之至今嘉祐治平閒定策夾輔與二
三大首左右兩宮議直不回身任眾怨自束髮立朝以
至白首謗訕不已而挺然無所污信國聲伎滿前自奉
頗厚及勤王流涕艱難閩粵之閒九死不悔觀其過零
丁洋詩知其志之決者素矣嗟夫世之治也則為公
之夾輔為唐書五代史際其哀也則為信國之柴市為
零丁洋詩匪特其人之時命不同即文章所遭倘亦有
幸不幸乎而要其必為之志與夫不可奪之氣則皆充
塞乎天地夫是以其人已往而稱述之者愈久而不已
嗚呼賢人君子後先相望事變所乘何常之有所遇之
順逆不可逆計其始雖未嘗意其至於於是至於生平所
自主者將必有在矣彼丈夫也可不自勉焉爰顏祠以
雙忠而滿
筆認之

監丞祠在慧鐙寺後祀宋秘書丞歐陽珣宋濤祐閒從

孫文龍建謝志縣志歐陽守道記靖康閒監丞歐

建祠慧鐙寺後謁記於郡侯古心江先生先生顧守道
曰子盡記諸守道辭未獲命會有來諗者言曰公誠死
使命歟致命於敵國不我從則死之義也公之往也吾
國則有辭矣虜斃方熾京師方急三鎮雖天下之根本

工部局第二十二號 建築圖則

11

合情

江古心祠在白鷺洲書院祀宋江萬里元初山長曹奇建

國朝咸豐六年燬於寇同治七年永新江氏重建

謝志府志

文丞相祠在瀉化鄉富田祀宋文天祥明成化二年提

學李齡以天祥九世孫繼宗補諸生奉祀並籌贍田

縣志

羅倫記孟子曰我善養吾浩然之氣塞乎天地之間夫殺身成仁舍生取義非浩然塞乎天地之閒者能與於斯乎若宋丞相信國文公是已公名天祥南冠奉廷對陳君道之大本經世之急務文思神發萬言立就可謂天下之大才矣董宋臣主議遷幸公上章乞斬之賈似道誤國要君公當制以義裁之呂師孟偃蹇敵命公又上章乞斬之勤王詔下重臣宿將縮頸駭汗公挺身獨兵獨往當之厲次皋亭三軍震動宰相遜荒公挺身往說之可謂天下之大勇矣夫慷慨就義決死生於一且中人猶或能也若歷履萬死其執彌堅其志彌厲非仁者其能然乎方公之北使詆大酋罵逆賊當死脫京口走真州如揚州趨高郵抵通州拊再成逐之李庭芝疑之外迫於虜寇內煎於饑餓無日而不當死然後遁海道涉鯨波歸立二王閣督南劍敗績於空坑當死仰

藥於湖陽當死絕粒於南安當死卒至就囚燕獄從容
南向再拜而死震動天地焰耀萬世可謂天下之大忠
矣夫公之忠誠能降空山之石能通七里之神能作廣
陵之風雨能使夷狄豺狼之敬怖而不能免賈似道之
沮黃萬石之嫉李庭芝之疑張世傑陳宜中之忌何也
蘇子曰其死國事者多矣未有如公之烈也收宋三百
之亡也死國事者多矣未有如公之烈也收宋三百
養士之功立千萬載為臣之極不在於公乎公於富田
之勇浩然塞乎天地之間者乎公去今二百年順天府
祠公於學宮鄉郡祠公於城南公之子孫祠公於富田
富田之祠元季兵燹為橫民所奪龍鳳間僉事李公飲
冰復之正統間知府陳公本深繼之景泰間都憲韓公
雍奏加諡號錄用子孫今成化二年僉憲李公齡來掌
學事以公九世孫繼宗入學俾公鄉人周不憲割田贍
之是皆有於名教可書故書之以詔後世之為人臣
者胡儼謂文大慶公既巖豈一木兮能全惟夫子
志侔際兮不白淚浪浪兮盈襟脫虎口兮危疑差中道
兮失路何風塵兮顛洞心抑鬱兮誰訴乘桴兮浮海波
漫漫兮汪洋渺靈修於何許雲冥冥兮山蒼蒼舉旗兮
空坑期王室兮再匡忽虎豹兮充斥嗟赤子兮流亡朱
崖兮景從義旅兮奮張何時運兮迫阨肆披猖兮見繫
矢死兮勿渝哀夷齊兮不食拘囚兮繫獄懔懔兮陳詞
從容兮就義日慘慘兮風悲遺祠乎巖宮儼肅肅兮令

容神逍遙兮入極驂白鳩兮駕青龍
龍流耿光兮天地與造化兮焉窮

文山舊隱祠在淳化鄉文山明嘉靖六年邑人王喬相

建縣志

文丞相忠義祠在螺山下明宏治中御史周孟中請祀
文天祥及殉難諸忠義趙時賞鞏信鄒瀾張汴陳龍復
劉子浚劉洙杜濬陳繼周何時傅卓尹玉繆朝宗蕭明
哲林奇曾鳳謝玘吳文炳林棟孫卓彭震龍張雲趙瑤
王夢應羅開禮李梓發呂武熊桂陳萃金應蕭資徐榛
陳子敬劉伯文張唐蕭燾夫劉斗元劉欽蕭敬夫謝夢
得林俞林元甫鞠華叔顏斯立顏起巖吳希奭陳子全
黃賢唐仁鍾震蕭興張哲齋劉仕昭黃士敏等五十四
人

謝志

尹直記宏治壬戌故副都御史周孟中先任
廣東左布政使上言宋相文天祥早擬廷魁晚起勁

王誕開督府號召英雄銳志興復一時效忠慕義之士
 川陸雲擁若趙時賞等殊鄉異品并力一心雖由天祥
 忠誠激發然經涉艱險卒以死殉則忠義無二也今天
 祥所在有祠而時賞輩一食於左右春秋守臣致祭以表
 忠義廟令時賞輩得配食於左右春秋守臣致祭以表
 往勸來丕振風教制曰可於時江西鎮東嶽祠宏深允
 誠若欽承擇地得城東螺峯之南麓故東嶽祠宏深允
 爽前峙雙石彷彿螺川二字歲迭為晦明挺拔雄猛有
 忠勇狀遂撤朽敝規度方位經畫其費前政重門後理
 重寢中為堂奉丞相東西兩廡凡二十四間列諸忠義
 從祀其宿齋更衣神廟諸室畢備通線以垣祠成宜有
 紀夫忠義繫於世教歷代推褒正以勵臣節式不忱也
 歸我太祖高皇帝統一中區宇之後即祀公就義之所永
 樂初既飭公祠景泰中又易公名孝宗皇帝特允臣言
 建廟稱禮溥及督府諸忠義一時臺省忠良奉揚休命
 賢愚歆慕益知人臣死忠補義久彌彰而感激之心勃
 如也其為世道之防豈小補哉但考當時同事若陳逢
 甫許由趙潛方興余元慶陳渠李幼節麻士龍趙孟潔
 劉源張墟張慶鍾寅易相文天祐等孟中偶未及焉今
 姑奉連書之以俟他日王守仁記宋丞相文文山文公
 之祠舊在廬陵之富田今螺川之有祠實肇於我孝皇
 之朝然亦因廢為新多缺陋而未稱正德戊寅縣令邵
 德容始恢其議於郡守伍文定相與白諸巡撫巡按守
 巡諸司皆以是為風化之所係也爭措財鳩工闢拓而

新之協守令之力不再踰月而工萃圯者完隘者闢遺
者舉巍然煥然不獨廟貌之改觀而吉之人士奔走瞻
嘆翕然益起其忠孝之心則是舉之有益於名教也誠
大矣使來請記嗚呼公之忠天下之達忠也結推異類
猶知敬慕而況其鄉之人乎逆旅經行猶存尸祝而況
其鄉之士乎凡有職守皆知尊尚而況其守土之官乎
然而鄉人之慕之也三有司之崇尚之也三公之沒公
且三百年矣古士之以氣節行義後先炳耀謂非開公
之風而興不可也然忠義之降激而為固公所謂成仁取
義者矣其氣其上焉者無所為而為固公所謂成仁取
義也遂有應其憤戾粗鄙之氣以行其媚嫉褊驚之私
士流於矯拂民人於健訟人欲熾而天理滅而猶自視
以為氣節若是者容有之乎則於公之道非所謂操戈
入室者歟吾故備而論之以助夫茲鄉之後進使去
其偏以歸於全克其私以反於正不愧於公而已矣今
巡撫暨諸有司之表勵崇飾同將以行其好德之心振
揚風教詩所謂民之秉彝好是懿德者也人亦孰無是
心苟能充之所謂民之忠義在我矣而又何羨乎然而
表勵崇飾有公之忠義而崇之者有慕其名而崇之者
假其迹而崇之者忠實有諸已思以喻諸人因而表其
祠宇樹之風聲是好其實者也知其美而未嘗諸身而
姑以修其身矯之文其而敗之於其行奸以掩其外而
壞之於其身矯之文其而敗之於其行奸以掩其外而

襲以阱其中是假其迹者也若是者容有之乎則於公
之道非所謂毀瓦畫墁者歟吾故備而論之以勸夫後
之官茲土者使無徒慕其名而務求其實毋徒修公之
祠而務修公之行不使愧於公而已矣某嘗令茲邑瞻公
祠之圯陋而未能講去其偏復有愧於諸司慨其風聲氣習
之或弊而未之能言而為之記元虞集詩徒把金
戈挽落暉南冠無奈北風吹子房本為韓絳出諸葛
知漢跡移雲暗鼎湖龍去遠月明華表鶴歸遲不須更
上新亭望大不如前灑淚時劉麟瑞詩金字牌飛出
建章鬱孤萬疊為勤王馳驅嶺海君臣寓因繫燕雲道
路長六籍一時光日月孤忠萬里立綱常元歸潔潔渾
生氣南北人誇姓字香明劉鐸與文桐江謁祠講與
君攜手謁螺圖遺像陰閱草堂終古河山留浩氣萬
年衣帶綰文章蒼松烏集暗無語怪石雲霧夜有光自
是君家弓冶事清時期不愧明揚文徵明詩地轉天
旋事同老臣臨市白從容易將兩嶺填東海忍看南
冠向北宮千里勒王空赴難百年養士獨維風成仁取
義平生志名教綱常賴有公李邦華詩綱常自古重
君臣為問捐生曾幾人天命有歸難捧日主恩未報忍
全身神還螺水風雷吼血灑燕城夜月燐瞻禮今來謁
祠下高山仰止淚沾巾金鈔詩復姤自天運臣道無
終窮殉節士所恆甯足矜子功偉哉一文士毅然任卽
我棘行若履坦所在吟淩風一息苟可奮安忍卽瘠葬

九死固所甘但惜炎運終堪追生祭者不足語微衷
國朝金德瑛詩留取丹心照汗青明知下藥疾彌增少
年歌舞家居樂死後風靈烈氣騰社稷孤舟沉海島科
名千古重廬陵可憐同氣稱難弟不及夷齊一傳登

胡剛飭祠在府學西宋知吉州李義山建祀宋大理評

事贈兵部員外郎胡夢昱

府志

忠義祠在富田祀宋監簿劉子俊劉洙

謝志

光祿祠在西城忠武王祠左祀宋進士累贈金紫光祿

大夫李鑑舊在西關雍和坊內後移建今所

府志

鞏信祠在八十六都信勤王戰死方石嶺下明孝子張

祥為建祠

謝志

蕭彝翁祠在府學西祀元死節學正蕭生

謝志

明夏

網緼磅礴之氣升降上下凝合而為人體全理具智愚
同之豈有彼此之間哉及夫疆域既分呈土攸設表之
以崇山界之以大川封境殊而地氣異於是而美惡分
矣故魯之多儒齊之多詐燕趙多悲歌慷慨之士習以

地移俗與時變耳濡而目染上行而下效民風士習惡
得而齊一哉惟我廬陵山川之秀甲於江右大忠大節
實生其間至丞相信國公而愈盛當丞相未第時指忠
節祠而言曰沒不俎豆其閒者非夫也卒以死節爲宋
三百年有天下之光宋之待士豈獨厚於廬陵哉而光
明俊偉照耀簡冊惟廬陵爲然良有其故也嗚呼孰知
丞相而後又有貞節其人乎貞節先生蕭翁幼而孤
事母以孝聞長而力學書無不讀以聰敏聞嘗以御史
薦爲建昌州學正又以詩經中江西鄉試乙榜復爲
州濂溪書院山長世亂兵興領長奉旨爲江西參政領
兵平袁州辟奔翁參謀共軍事賴兵至吉未幾而沔兵
亦至參政遜去奔翁嘆曰有城而不守非忠也遇敵而
不戰非勇也我則參謀也何面目見天下士乎卽日投
學宮井中不死或出之三曰不食爲書附其圻羅岳曰
男子之貞猶女之潔一有玷缺萬善難雪我則死矣竟
赴井死郡人義而哀之葬之讀書臺側時至正戊戌五
月望日也嗚呼先生何其勇於死歟王長之亂綱常淪
斁事有不忍言者而從容就義視死如歸惟先生一人
雖其在軍事功無可紀錄而勇往不顧至於再入井而
不悔此與欲蹈東海者何異而或者猶論其可以死可
以無死是蓋不死之人恥其無死乃反議死者以掩其
惡祇見其不知恥之甚也事久論定而先生之高風勁
節不可及已學之士友相與言曰先生抱道守正足謂
之貞以死殉義足謂之節遂謚之曰貞節生而在忠節

之鄉死而祀忠節之堂一抔之土託乎宮牆是足以不朽矣雖一死其何傷先生名生以字行吉水螺溪人宋殿中侍御史定基諸孫父森龍宋國學上舍配李氏無子歲時奉祀者門生子婿云

馬萬戶祠在安塘江澣祀元馬致遠縣志

周文襄祠在城北隅祀明戶部尚書周忱

謝志明陳善記公周氏

諱忱字叔如其先會稽人唐末黃巢亂有諱勅者為御史中丞率兵鎮九江子孫因家焉後又徙南昌之武甯由唐迄宋世有宦績為名家有元盛時天驥為吉州路總管贈江西行省左丞追封豫章郡公遂家廬陵郡城之北隅三傳至南康路知事鑑公曾祖也祖遺安先生仲德始徙今吉水之月岡父秉昂皆不仕而皆以德誼重一鄉公生而穎敏好學諸書經目輒不忘遺安先生喜曰是必能大吾門遺從名師受業永樂甲申取進士太宗皇帝命拔其尤者入翰林俾進學公願與其間公日夜奮勵不少懈當天下太平四夷賓貢祥瑞迭至文學之士歌頌聖德者日新月盛公之文章最為人稱道時方修永樂大典一時名儒皆集館閣亦多讓公為能書成授刑部主事寬厚明慎獄無遁情閩有林姓者年二十餘被誣為逆黨行財獄久不決公一見問其年曰黨事發時方二歲豈能行財力釋之及修五經四書性理大全成上知公可用嚮意用之升刑部員外郎太

倉成命公主饋運直隸糧賦不嚴而事集仁宗皇帝卽
位有薦公爲郡守者不聽及封建親王擇輔導以公爲
趙府右長史宣宗皇帝念畿內之地國家肇域於此茲
常諸郡賦稅當天下之半宜有以優養其民而用匱民
困吏不稱任故也乃擢公爲行在工部右侍郎往撫之
凡饑寒勞役利害有當興革者大小之事皆以付公公
奉敕惟謹而以養民爲先務蘇之賦重郡豪嘗巧取以
自肥而官賦常不足田里細民困於暴斂至棄產以逃
驚子女以緩刑罰歲通常積至百萬以待恩需公知其
然乃立法置場擇人總收而發運焉不入里胥之手計
常年過取之贏而積以濟農又發庫財平糴以代凶歲
武臣之祿當輸南京給之則請台受於蘇而收其運費
亦以惠農民其達北京而舟楫失利或官有科需及民
閒饑窘無措者皆以所積之贏通給之不責償於是細
民惟知力田輸稅仰事俯育而已他一不之及官無負
租私無橫取鼓舞歡樂者二十年而上之委任亦篤雖
遇父母喪皆奪情俾任事而寵終之禮加焉事或嚴重
雖非公所履亦以命之若審錄南京繫囚考察郡縣吏
督京衛屯田理松江煮海之利如此者非一也其寬緩
嚴急必以公不以情人皆以爲宜而無閒然者松江嘉
興地瀕海公受命防寇相土宜築城堡造戰船訓練士
卒嘗若有警然者凡上所命無不稱旨列聖在位多降
聖書獎勵而加錫賚焉今上皇帝臨御嘉其勞勩升戶
部尙書以舊制辭改工部未幾仍命往撫南服以其民

之安之也公益勤篤始終如一所以興利除害如曩時
萬鎧仗皆應期而辦景泰二年以風疾辭不許章再上
乃命戶部侍郎李敏代公還且戒敏凡其所行良法美
意無輕改蓋仍有意用公也及見上命光祿宴勞之公
退而疾作仆廷中幾不能起上察公實病命致仕歸景
泰二年八月也公祇事五朝夙夜匪懈懿德善行與人
誦之至論巡撫之績亦首及於公蓋公於民事知無不
爲爲之必盡其方郡邑水旱當賑給者多不待命下安
其危殆而完其骨肉者不可勝計又推餘力以及其所
當爲而皆有成功修應天府學之尊經閣蘇之吳縣常
之江陰鎮江之丹徒丹陽安慶金山太倉諸學作闕里
之金絲堂若武進之孟瀆河閘江陰黃田閘蔡涇閘蘇
之寶帶橋鎮江之鎮西橋所以通往來資蓄泄者皆公
所重建而人不知勞績其故迹如李太白范文正梅聖
俞魏鶴山祠宇皆修葺之其一不以煩民初公年六十卽
傍所居之雙崖營草屋若千楹各以其勝名之至是而
歸老焉娛意於山水之間足跡未嘗至城府賓客過從
輒傾倒相歡所爲詩文若干卷出入唐宋諸大家蓋風
韻乎其言也四年十月三日卒年七十三上聞之悼歎
命禮部致祭工部爲治墳塋賜之諡曰文襄諸子仁俊
仁迪仁儉仁廣孫琬璵璵璵璵璵璵璵璵璵璵璵璵璵
原旣備儀物如制又卽墓之右作享堂五間以歲時行
禮中祀公像左右二廂以儲祭器凡諸宜有者無不具

繪以周垣扁以大門嚴嚴翼翼內外完好又買田五十畝以供歲費而來求子記其事以示久遠子與公同取進士同朝者五十年知公為最深且周氏之先德厚矣而公又加厚焉子孫相繼足以垂不朽而何待於子言然不可辭也故為書其行之大者以為祠堂記其細可略也

大節祠在西街祀明監察御史劉子輔萬曆十二年知

府余之楨建

謝志

賢守祠在察院東祀明知府陳本深張本萬曆十二年

建

謝志

王陽明祠在忠節祠右又名景賢堂康熙間湖西道施

閏章建景賢書院今廢額附忠節祠

謝志縣志

五賢祠在青原山祀王守仁鄒守益聶豹歐陽德羅洪

先有傳心堂

謝志

國朝施閏章調五賢祠詩姚江有

歲遂令空山阿絳繹動車騎絃歌響林谷逢掖滿僧寺四君尤挺出嗣音相鼓吹寂寥四十春講席蔓蒔荒

祠猶巍然俎豆將委地山鳥懷好音林木自深蔚昔人
未云遠顧瞻泣流涕百年一須臾峻阪策奔駟徘徊歧
路閒白日忽西墜如何丁我躬吾黨
竟顛頽題字破莓苔振衣獨遐思

明德祠在五賢祠旁祀明吳達可吳正志張汝霖黃承
元丁繼嗣余之楨吳十奇汪可受祁承鄴楊維喬張鳴
鶚朱鴻謨劉憲龍方肯堂錢啟新龔懋賢蘇鄒明時舉

凡十八人

謝志

郭公祠在城南大街康熙初郡人爲知府郭景昌建府志

羅公祠在縣署後康熙間郡人爲知府羅京建

府志

趙公祠在經歷廨西康熙間郡人爲知府趙士驥建

府志

林公祠在縣廨左街康熙間郡人爲知府林逢春建後

改建劉將軍廟林公仍祀後楹

府志

王公祠在石陽書院前咸豐四年建祀三年死事知府

王本梧照磨謝時霖

府志

昭忠祠在府學教授署右咸豐九年建祀六年殉難按察使周玉衡知府陳宗元參將柏英及文武員弁紳民共七十餘人

府志

忠義節烈祠在石陽書院前咸豐十年建前楹祀陣亡舉人贈知縣羅子璘及死節紳士兵民共數千人顏曰忠義後楹祀贈夫人匡龔氏及死節婦女共千餘人顏

曰節烈

縣志

節孝祠在縣學外左

謝志上廬陵

以

泰和縣社稷壇在縣西二里明洪武三年知縣劉昭先

建萬厯六年知縣唐伯元增建

謝志縣志

先農壇在東郊雍正四年知縣趙中遴建

府志

神祇壇在平橋一里濱江明洪武中知縣劉昭先建謝志

府志

厲壇在北門外朝天庵右明洪武中知縣劉昭先建府志

關帝廟舊在縣治右乾隆十三年重建於北門外道光

五年移建快閣後咸豐三年燬於寇同治十三年復建

府志

文昌廟在千秋門內嘉慶二年建同治十一年重修府志

城隍廟在治西宋端拱二年建元季兵燬明洪武三年

重建嘉靖三十九年移建舊察院行署

國朝咸豐五年燬同治四年知縣田大年復建謝志

三皇廟在儒學右元末建明洪武中知縣劉昭先重修

縣志

東嶽廟在四十六都宋初知縣張翊建

縣志

陳武帝廟在縣西

謝志

通仙廟在王山下祀唐仙人匡智及其兄子大郎唐天

寶間建宋紹興間賜額輔順

縣志

胡鑑記世傳晉永

者漢王喬之裔也嘗慕神仙術自玉為山道廬陵撫奏和樂其山水隱居凡四十有八年歲知所終相傳以為仙去然竟叵測也唐貞觀間又有匡君諱智者長安人也棄妻子脫屣軒冕慕王君之為人莫知其與其兄子往依之吟風餐露攻苦食淡者久之入其當時有布鼓自山椒而為像祠之水早有詩輒應或云當時有布鼓復歸之祠是隕聲聞帝里唐太宗詔取以入擊之毋持布鼓過雷門言夕大雷電失鼓所在余聞子讀云毋持布鼓過雷門言布鼓無聲者也今云齊謁帝里其亦異矣昔葉令每朝時葉門下鼓不擊而自鳴顯宗迎取其鼓置都亭下略不復聲二事甚相類豈好事傳會其說以為神乎紹興乙卯有詔廟額曰輔順後十年封神為威遠侯今上踐祚加封肅應於時祀典益輝過者加肅是山古今多題識惟邑人劉敏求四詩為得其詞曰秋蘭兮菊英馭滋兮階祀紫莖兮翠蓋播瑩聲兮襲蘼秋芳兮菲菲綠骨兮

素枝高堂兮百靈層之居兮巍巍紫室兮藤壁疏芳根
兮盈戶蘭猗兮桂楫憇憇兮藥廡罔杜蘅兮為綢絳
菱荷兮彌彰瓊瑤兮為飾綵之兮芝房萃翠卉兮實延
炭蔭集兮萃雲百神續兮幅輳靈之歆兮苾芬潔余薦
兮寒泉澤余民兮甘霽寧溪
毛兮杜若將以答其恩渥

忠通廟在西平山祀宋巡檢陳百嘉謝志

康王廟在東門外祀宋康保裔縣志

忠毅廟祀元集賢學士達爾瑪實哩原作達理又名達侯廟

在西門外元至正間建明宏治中知縣楊南金以都天

廟舊址改建楊貞叔請復祀典

國朝咸豐五年燬明年復建謝志縣志明蕭基記監

馬識理字正道北平人也初仕武昌調甯國路判官俱
有政績至正六年遂有泰和之命始至靜處一室聲味
泊然驕虞羣候竟日無所愛命曰若等盡歸事父母齒
妻子吾無所用爾矣明日相率罷去公秉氣剛毅莅官
廉明當元季廢玩之際首戮奸民之干紀者十數人於
市於是吏民屏息乃建廟學興教化手書宋仙居令陳

公襄之訓以教民有爭訟者望公門自解去江淮盜起
 豫章或嚴公逆知時變遣妻子奉母北還既而江瑞袁
 望望風瓦解解古安相繼陷沒守武皆奔泰和時公私
 乏內顧赤立無所資乃親勸富室出粟以佐軍需勞瘁
 萬狀州民莫不感泣一時豪傑景從如曾伯昂諸君子
 以過寇衝而自帥義旅戰於諒坑建業帥十餘人連戰
 克捷遂復古安護兩郡侯以還禾新寇犯高行鄉州判
 趙友直禦於石壁死之士卒猶血戰有酋大呼曰此達
 相公軍不可拒也來降者數百人明年擊梅陂寨及永
 豐陰田廬陵東固皆拔之資安福新喻二州分兵戍龍
 泉江復萬安縣鄰邦皆倚公為長城歲大饑發粟賑貸
 及闕有代公者羣盜悉眾大出飛書各至公時病作強
 起尋食黎明選銳拒之門外自晨至午力盡幾挫乃
 出奔食黎明選銳拒之門外自晨至午力盡幾挫乃
 勝遂北俘斬不可勝數當是時字縣瓜裂秦和最備地
 卒能以一旅之眾東戡西翦使民人無流亡之苦田野
 無荒棄之時山林無斬薪之虐一草一木皆公之遺澤
 也未幾得疾衣冠端坐而逝民罷市會哭聲不絕者累
 月時至正十五年閏月某日也道阻不得歸遂旅葬荒
 山田野間皆給像祀焉贈集賢學士宜興侯諡武宣建
 廟賜額忠毅舊在南平門右凡三祀而三新之楊侯南
 金以邑西淫祠為公廟而祀則未聞識者謂焉顧未有
 以缺典請也一日楊隱君貞叔誕告於眾曰武宣侯有

偉功大惠於民若之何不絮諸國典西蜀李公下車禮重隱君而式廬焉君首以公祀事為言乃請於當事報可翼日以蠟香謁公廟捐俸餘葺而新之隱君乃更肖公像易以蠟冕置木主列十義士於左右公乃諷日率僚屬師生以牲帛修祀禮焉禮成貞叔乃築石余為之記

何宣差廟在攬秀亭右元至正閒大帥命宣差何綽爾

齊原作何為先鋒取臨吉上功授泰和監州保全生靈

甚眾民德之立廟祀焉謝志府志

郭公廟在白下驛故址祀明驛吏郭俊嘗救水災立廟

祀之謝志

晏公廟在三十九都濱江明洪武閒建縣志

唐公廟在三磯頭為明知縣唐伯元建伯元令泰和嘗

築破塘口隄數百丈以捍江水民德之故立祠以祀縣志

黃文節祠舊名山谷祠在快閣右祀宋黃庭堅宋縣令

趙師爽建中有庭堅自贊石刻像明初通判黃珪修宏
治閒燬於火知縣楊南金修

國朝康熙閒湖西道施閏章重修嘉慶閒圯道光三年重

建咸豐三年燬謝志縣志宋龍謬記銅章墨綬地

千年之重俾其風俗得以矜誇雄視他邦非千萬人中
卓然而特立者時克爾邪稽諸聞見不能追數而其尤
者萊國寇公之於巴東文忠歐陽公之於彝陵文定蘇
公之於績溪龜山楊公之於湖陽是也當其操刀製錦
易異遂隊隨羣而乃愈久愈光抵掌揚眉而談說者得
以藉口而不能默何邪山谷黃先生之於西昌亦然也
西昌之為邑固同也其所以有此者不同也以其不同
則山川氣色端若有殊快閣之景為之傳徧天下觀山
之泉為之清澗河曲居者寶之過者敬之度其勢至於
無窮無盡大抵賢者名蹟必有堂以表異西昌於此向
為詞典今者令君潛川恭憲王孫趙侯師爽來繼前規
政事巨細畢舉閭里遠近稱善蓋其所施有所祖述因
築堂於快閣之右隅以副邑人仰高之意且以書來委
謬記之竊謂賢者之見慕於後必有前所謂卓然而特立
慕其仁主於剛果者慕其義是乃前所請卓然而特立
者然則此於山谷其說謂何東坡知音之說曰瑰奇之

文妙絕一世孝友之行追配古人以此而推慕山谷者
一言以蔽之曰文行是已使登斯堂者夷考其文行而
日勉焉斯乃侯所以惠此邑之本旨侯字周佐觀此堂
足以規其趨向矣明廖自強記快閣之右有山谷祠
後宰趙帥與所爲也書快閣二大字楹於閣之上黃茱
也買田以壽祠者黃萊也祠廢而重修之則郡別駕燕
公補作也自王辰以來兵連禍結餘十載不解祠復廢
歲甲辰今通守黃公允中實來佐治越明年政有經理
民有常業乃登高臨遠慨然思昔賢流風餘韻之猶在
而祠廢不治豈惟黃氏子孫之責抑亦官是州者之責
則拓地於故祠廢址而新之實黃公之職也祠後爲堂
前爲閒曠之地復買田以授寺之僧使甲乙世掌之既
落成土之來遊於祠者師其言想見其人如在元豐閒
見山谷而吟咏於其側也此允中所以有光於三黃之
後者歟傳曰德厚者流光詩曰允中其字本雙井世家其
吾於山谷祠見之黃公名珪允中其字本雙井世家其
治民寬御吏肅賦飢恤貧均賦抑強政事文學得之家
教云尹直記宏治王戊戌秋祠旁慈恩寺火延燬殆盡
時御史王君哲參政王君綸少參董君威僉憲任君漢
王君敬太守張君濟行部莅縣顧祠舊址卑隘謀遷於
別所予說之曰快閣之名以先生詩顯故祠必附於此
宜拓不宜徙諸君建之於是大尹楊侯南金少尹吳侯
貴識承與意協力指畫卽寺所毀殿址而重建焉侯制
崇宏偉然改觀乃來徵余記因竊有感焉自古君子之

與小人並處若薰蕕然卒見忌媚嫉斥流離困阨以至
於斃徒以文行風節遺思啟興於後世若先生是已先
生學問文章天成性得而尤長於詩兼工真行草書初
州公見其詩擊節嘆賞稱為奇才東坡稱其詩文超軼
絕塵至舉以自代有瑰偉之詞妙絕當時孝友之行追
配古人之語奈何始以議市易不便見忤於趙挺之繼
以實錄直書為詆訕見拒於惇孝最後捷之又兼承天
寺記為幸災訪國排擠不遺餘力遂至貶死宜州夫何
罪以致此哉雖然距今數百餘年凡昔履歷貳牧之所
反皆為詞人韻士顧瞻鐵仰之區而影堂像祠在在尸
祝不特為詞人韻士顧瞻鐵仰之區而影堂像祠在在尸
斥於人又孰得而孰失哉小人混焉謝盡或遺穢流垢唾
發而為言君子之所以垂世行遠者也其人有足傳則
所居不必有奇蹟而一言一事相俎豆之不衰豈非以流
風餘韻入人者深與昌黎之於袁子瞻之於登到郡不
過數日有澤未究去而民祠之鳳之在圖麒麟之在
郊景星慶雲之在天所見必書人爭觀之以為快賢人
君子亦猶是也故其所生之鄉所仕之地及其所遊處
往往追思而俎豆之況其被澤既久乎人以不忘者乎
嗚呼後之聞其風者可以興矣山谷先生令泰和數年
史稱治尚平易不與諸縣爭鹽羨史不悅而民以安蓋
吏議之與輿誦其不相蒙久矣民之良牧豈有赫赫可
紀哉郡志載其政事之暇窮按谿谷遇勝處輒題墨今

攷其集中西昌詩頗少而快閣蓋偶然之作無意求工者前人之閣遂舉而歸之先生且建祠其旁與閣相終始履廢而必興士大夫追和其詩至於今不絕夫山谷之名得子瞻而振卒不免文史之禍遷謫以死然小人之能死以遷謫不能掩其文辭使不傳於後世則小人之忌之阨之者亦徒矣其詩為當世所宗尚稱西昌詩派予未能多讀獨愛其書法而其雜著又耐多湛深性命之言非詞翰諸家所及故雖沒於謫所超然蟬蛻不以生死累其心子瞻所謂獨立萬物之表而亟推其行遠文章有以也王寅之秋予嘗登快閣時久雨江漲四望廓然憑欄移日而祠之蕪穢久矣且假閣為倉庫委積狼藉乃斥而修之與司李胡君各出其力以屬蕭生伯升會邑令置畚畚別所閣既畢祠用修舉予喜為書其事嗟夫山谷豈以祠重哉康熙丙午仲冬月

四賢祠在城內祀黃庭堅曹鼎陸震周詔

謝志

忠節祠在城內祀曾如驥周是修王思劉魁曾翀朱褒

謝志

曾忠愍祠在東門內祀宋曾如驥明嘉靖二十一年知

縣王春澤建

謝志

縣志

尹臺記宋至咸道德祐之

後天下事殆若破甕壞障不知墊溺所從

出矣大臣獻身圖免則忘顧主之忠小臣獻城乞降則
甘事讐之辱反面易心鮮復自立於人道者舉四海皆
是也獨吾廬陵之士侃然以忠義抗振其最顯若丞相
文信國公固天下後世所共歆慕嗟思其事與天壤俱
久長不敝矣乃時先丞相就義從容爲難能視待制
泰和曾公世多以丞相就義從容爲難能視待制殺身
慷慨若少易者不知二公蓋易地皆然不啻以難易先
後論也夫國君死社稷二公蓋易地皆然不啻以難易先
受事社稷同耳故社稷一日未亡則相不制相之與君其
君獨死茲信國間關四走流離千里奔赴主后於南北
播遷幾微之望然後不得已以其身殉焉斯所謂仁至
義盡雖聖人不能易其行者也以其身殉焉斯所謂仁至
治有大夫之舉而所守有士之制其若待制在寶慶則所
存亡無他畀任可託委者不以慷慨自訖絕欲從容奚
就哉故公之判寶慶與並時安撫李公芾之守長沙其
事同則死不容或異豈信國所可例概也乎故余於公
之死推比信國誠論其心與事之符合不在難易先後
之蹟也公名如驥字德稱舉淳祐庚戌進士歷官所至
具有功績用薦判寶慶郡攝守事是時元兵旣陷臨安
而湖南城守望風靡潰莫救獨長沙寶慶堅犄角相持
故公與李公迆著節死一時明年爲宋景炎改元太學
生上書言公事詔超公五官贈敷文閣待制諡曰忠愍
朱旣亡元不爲立祠明興百有餘年衰表忠節宏治丁

已巡按湖廣御史曾公昂檄郡守馬自然疏言之事下
巡撫御史沈公暉議可遂合祀公於寶慶城東參政賀
公祠中春秋有司蒞事著爲令嘉靖壬寅巡撫江西都
御史汪公元錫復檄泰和令王春澤祀公其鄉則始建
祠邑東城祠地據澄江快閣之勝蓋卽公死難時書考
功印紙所及者也後十有六歲丁巳巡撫都御史馬公
森仍檄郡縣春秋議風采冠一若寶慶勿懈公八世孫
兵科都給事論議風采冠一若寶慶勿懈公八世孫
不大理而給事之考太守望宏官刑曹時又嘗執奏因
讞被詔獄幾殆幸言臣疏救以免太守從孫御史與
給事同朝仍疏劾奸臣疏救以免太守從孫御史與
烈聲章朝仍疏劾奸臣疏救以免太守從孫御史與
公家傳又知公九世祖安強始以進之士提舉湖南中
仇直黜廢信曾氏忠節所開先其從來久遠矣後之行
斯祠者觀曾氏歷代風概將不有勸感興思發輝其行
事庶幾公一二流澤不泯乎公事載前志傳及羅太史
洪先所撰寶慶祠記甚備余故不逮著乃嘉今祠之成
作迎享送神詩使邦人歌以祀公而并刻之石其辭曰
諷吉日兮薦嘉旨聯邵邵原兮騰寶水涉蒸湘兮混洞庭
跂公之來兮波帆駕玉軼兮挾雨霓下上天門兮歷澄
公兮莫知余悲公駕玉軼兮挾雨霓下上天門兮歷澄
江之曲洲明月爛爛兮清風瀏瀏公神與遊兮不知春
秋北方之強兮願我華風兮俾我醫遠公追閭祖兮
百禩兮公神茲願我華風兮俾我醫遠公追閭祖兮

從烈孫導忠引節兮父我邦氓弗弛以興
兮厥亢世世報德始今兮宜永勿怠公祀

蕭清節祠在館背巷祀宋蕭楚

縣志

劉令祠在縣學右祀宋令劉構

謝志

宋羅致記古之

為立祠已耳未嘗寓於學舍而見慕於士類者今邑宰
劉公以銀章西服繪像於孔庭之右為士類追崇像而
生祠之何哉議者咸曰西昌置學舊矣初未甚雄偉建
炎間而一新焉未幾強寇入境乘風縱火勢若燎原比
屋相延數日不絕凡十里間官廩民居郵亭驛舍僧房
道院委棄灰燼者不知其幾區惟是夫子之宮危脫於
虞焰之劇處若有神物護持嗚呼豈天未喪斯文將有
敢於來世故邪自是厥後學製錦者出不由此往往忽
其獨存每期於盡廢也於是是一變而為酒坊再變而為
兵屯又再變而為戲府又再變而欲併有其地矣倡優
訕笑介冑斯侮執糠汙漫於吾夫子廡所不至在陳之
厄何以加哉志士仁人拊膺扼腕不能揀止間有通儒
被檄權局方屬意於結治而代者已及門矣公下車之
三日謁先聖先師畢周行而徧觀厥然改容而嘆曰世
亂則學校廢雖國家多難而法度固存吾道一至於此
可坐視而不顧哉翼日命工鳩徒折棟壞榱而易之
頽垣敗砌杵而葺之蒼苔碧蘚鏟而剔之黃茅綠草薤
而熄之然後正其門戟嚴其廟貌黼黻文章之服燦燦

而彰明簠簋邊豆之器秩秩而備具逮上丁釋奠則盡
率此邦之名士周旋揖遜於其間仲尼之道既蝕而復
明武城之風既頽而復達尙有託軍儲爲詞必欲中分
其宇者公知其異趣而不可固爭乃須假之勿與較也
是何異於孟子之闢楊墨韓愈之排佛老其難者哉
宮肇修祀事既講逸於城闕者公皆誘而還之擇
士以司其教道又植三槐於門徑使學者來遊於此
清陰之餘思黃中之義異時居上公之位必能優天子
之民不但耀軒冕夸權勢圖遺利於子孫速眾謗於鄉
里也有以公事至於假室公酌其情之輕重察其理之
是非或謝而遣之或拂而教之非特迄代不辱一士
有辱於胥吏者公知其非辜而不能自直力爲稟之州
牧達於春官俾刷知其恥而復其舊則其衛道之嚴與
夫愛士之篤可謂負出前古矣用是而生祠於學庸非
願服之心乎公之作邑謹庠序之教聞絃歌之聲於師
旅之餘饑饉之後則其爲生祠也固宜時紹興七年八
月初一日

趙令祠在縣學右祀宋令趙師爽嘉泰閒建久廢

謝志

六忠祠在治東祀宋勤王死節蕭明哲彭呂胡文可胡
文靜劉仕昭黃士敏六人康熙中知縣田惟冀建

謝志

田

惟冀記丞相文天祥倡義勤王四方雲集其間挺身壯
難者吉郡凡二十五人素和則有蕭明哲彭呂胡文可
胡文靜劉仕昭黃士敏共六人焉按蕭明哲字元甫時
充架閣被執不屈死於隆興彭呂字景望爲漳溪院長
元兵陷虔抗志不屈死於隆興彭呂字景望爲漳溪院長
家招勇從丞相於海上受縛被脫復集義兵赴難死胡
文靜字靜山領提督事招致不從曰甯死不負趙氏卒
屠其家劉仕昭鐵工耳謀復未成血指書帛云生爲宋
民死爲宋鬼赤心報國一死而已遂以帛自縊其黨入
獄或乞憐苟免獨黃士敏者慷慨不撓題其裾上有好
收吾骨首陽山之句臨刑嘆曰恨病失聲不能大罵耳
嗟殘局一自楊文節公而後繼生文信國公挽斜陽而
收殘局一時相從如蕭明哲輩奮身不顧傾家不顧刀
鋸鼎鑊不顧覆宗滅族不顧此其忠骨可碎鐵心不腐
豈可以成敗論之哉過此而由元迄明四五百年忠義
頻聞有死紅巾者有死金川者有死土木者有諫易儲
死者有諫議禮死者何莫非此六忠有以敬之也子見
前志缺略特爲搜補并思建祠以祀因訪六忠後裔子
孫振振威榮趨事以下其地構三間以位六忠更創一
間移快閣信國公石像祀之於後春秋舉祭既不忘其
所以少慰時董其事者縣丞張震居也

十義祠在城西祀元陳新曾貫康震蕭景朱思忠蕭宏

量梁端甫曾慶道曾以文楊復亨十人康熙中知縣田

惟冀建咸豐三年燬今附祀達侯廟

謝志縣志

四節婦祠在萃和書院西祀元死節楊用霖妻蕭氏子

婦劉氏原作母劉氏鄰婦陳氏鄧氏明知縣楊南金建

謝志

曾雲記邑義井之北故有四節婦祠者楊侯南

金所建也予攷郡邑志所稱元末義井事未嘗不悲其

志且敬焉始寇之來也楊用霖妻蕭氏以姑康氏老病

不忍難去子婦劉氏以其姑待親姑之故亦不忍去相

攜躡井要之皆死於孝陳氏鄧氏俱鄰人劉氏婦今莫

詳其爲誰矣四婦者閭閻并碑微細者也乃能於生死

之際相與從容決擇豈不毅然烈丈夫哉明興百三十

餘年而有司未聞舉以祠者然猶幸其井故存也始楊

侯之尹吾邑也首詢義井所由然猶然有慕於四婦之節

曰是足以風世於是毀近井淫祠改祠之而以鄰人守

豆且詳其事於存古錄蓋宏治癸亥歲也如是卽百世

意守祠者遂駸駸生戎心欲并吞之爲己地哉不知守

祠者可自爲盜邪郡邑志存古錄可盡去邪井故可改

邪而若人者乃欲犯天下之大不義而爲公論所以齒

焉亦愚矣嗚呼俗之薄至此哉嚴理祠基倡之者杜史

曹公忼罪鄰人而復之新之者則柱史蕭公端蒙也蕭公以節婦之八世孫庠生楊祉初禧等訴實且傷節婦之不食者數年檢有司重建祠焉工肇於壬子四月十一日以五月二十一日落成費公金三百有奇祀以木主體也守者不以他姓懲往也祠成之二十年為隆慶辛未楊氏子孫謀刻石以詒奕世乃敬述其事書之碑

劉司業祠在城內祀明劉崧

謝志

褒功祠在城東明宏治十二年敕建祀楊士奇嘉靖三

十二年賜額褒功飭有司重修

謝志

王文端祠在城西祀明吏部尙書王直

謝志

羅文莊祠在北門內祀明南吏部尙書羅欽順

謝志

歐陽文莊祠在縣東雲亭門內祀明禮部尙書歐陽德

謝志

明尹臺記上下四方之遠古今千百世之久其

變不可勝窮也而道之綱維其中者未嘗廢明而行之豈不因乎其人哉明興列聖以道相承政由先王取士必誦法孔孟非六經之訓及宋諸大儒之說無以自進於有司道之行乎上而明乎下燦然與三代同風矣乃近百年中河東臨川江門諸君子復各以其自至者表

述當時雖所入殊轍要之皆聖人之徒也陽明先生最
後起東南間超然獨契本心得往聖易簡切近之旨推
明大學格致要訓合於孟氏良知之說使學者自求明
悟以究聖人之旨歸其學既盛行海內之士莫不聞其
風而慕之然能真知力踐之者鮮矣我歐陽南野先生
幼負奇質自結髮受學即以聖人爲期弱冠薦於鄉間
陽明倡道虔中遂辭計吏歸屬往從之游蓋出入其門
六七年其渙然自融於指授之外以默識妙義之密微
雖陽明不能或益之也陽明既歿學者爭景響相附游
其門者半天下莫不競推得陽明之宗統云公歿逾年
門人學子爰思魯士築塲之義相與度地建祠以揭虔
爰僦孱子報祀無數郡邑之長間而並嘉贊之以告臺省
大使於是諸司爭出罰鍰佐厥成著爲品式春秋饗獻
悉以有司莅事取志大悅於是公高第弟子僉都御史
張君雨太僕卿曾君于拱暨諸搢紳矜佩咸以盡嘗私
淑公門宜有言識麗牲之碑臺惟公之神往矣所欲與
諸君子同其良知之致則雖後百世而猶存也故以公
之孝友信神明者著之朝則可使四海承風矣故謹書之
詳議信寢筮者著之祠陟降公神左右者尙覽是知所從
石俾後之出入公祠陟降公神左右者尙覽是知所從
事無徒以奔走選豆致恭爲
尊公於既歿之虛文已爾

劉晴川祠祀明工部員外劉魁在西門外狀元坊

謝志縣

志

王改齋祠在城西祀明王思與王文端同祠

縣志

憫忠祠明隆慶間改朝天庵建祀明死事副使汪一中以巡檢劉茂及溫景附祀

國朝道光四年重修

縣志

周龍蟠祠在城西祀明死難紀善周是修

縣志

昭忠祠在快閣右祀咸豐間禦寇殉難胡大魁張捷魁顏芳秋孫廷錦郭英楷曾其恕孫葆初羅連三梁作暉

諸人及陣亡勇目同治二年建

縣志

節孝祠在城隍廟右

謝志以上泰和

吉水縣社稷壇舊在文廟後元大德八年遷恩江南明洪武七年再遷縣治南坊

國朝改建縣東南郊一里

府志

先農壇在縣東南一里雍正五年建

府志

神祇壇舊在恩江之外明洪武閒徙治北宏治閒再徙南坊

國朝改建東南郊社稷壇左

府志

厲壇在北郊三里明洪武閒建

謝志府志

關帝廟在縣西南隅城隍廟右明萬厯閒邑人鄒元標修

國朝康熙閒重建雍正三年知縣劉仁恕改崇道觀爲後

殿乾隆十三年知縣米嘉績修置祭器

府志

文昌廟在儒學大成坊左嘉慶三年建

府志

城隍廟在縣南隅明洪武閒建

府志 明周述詩瀧江欲渡虹為橋瀧清春擊蛟龍
腰青原舞翠挹岩堦朱甍日出煙霧消碧瓦不動摩青
路忽然飛電掣紫霄天為借怒生奇颿游龍揮雨洗茂
簫桂花墜落香雲飄百年古木空中號颿能擊鼓鸞吹
蕭官舫買舶膽欲焦廟前泊櫓不敢搖楚詞跪負設漿
椒瀧之靈
吟或可招

忠孝祠在縣學右祀隋李孝子宋歐陽修楊邦父楊萬

里文天祥明王省王艮尹昌後增祀王植李邦華

謝志

李孝子祠在縣學左

府志

明周敘孝子亭記人子之

妻以適其嶽沒則喪祭以致其當無往而不盡乎誠也生則
損軀殞命所不暇顧是皆出乎天理民彝之真夫豈可
以偽為哉古水李孝子隋大業中人物幼喪母哀毀過甚
事父益至每出踰里輒反曰吾可暫時忘膝下乎父病
十旬衣不解帶既沒未葬比舍失火火驟至遂慟哭伏
棺而死事載縣志其墓在學宮之旁墓之前有亭廢興
不一國朝洪武初知州李侯恆甫新之前進士陳公宗
舜為之記宣德間知州柯侯遲復新之歲久碑殘缺今
武昌劉侯釗來知縣事既除治其墓修其亭慨不刻不
存乃屬記於余惟吾邑以忠孝聞天下有宋時楊忠襄

公邦父以通判建康被執死楊文節公萬里以樸臣專
國不食死與歐陽文忠公俱列祠於學宮夫孝百行之
本而忠由之以推也方忠襄城陷罵賊不屈卒斃白刃
其愛國之誠與孝子伏棺羅烈焰愛親之誠何如哉蓋
當是時知有君親而不知有其身知綱常大義而不可
泯而不知白刃烈焰之為可畏非天性純懿而所學所
養有素者能之邪吾知二君易地則皆然矣孝子名不
顯於史傳猶以墓故鄉使人觀感興慕若此豈非人心
之天互宇宙而長存者歟由是言之孝子以孝倡於八
百餘年之前文忠忠襄文節以忠繼於四百餘年之後
俾吾邑搢紳士至今家服詩書而人尚節義者豈無由
然哉因記斯亭遂并及之以為臣子勸夫激勵風化以
淑人心縣令之職也劉侯視政之初而不書

忠節祠在縣學右祀宋歐陽修楊邦父楊萬里

府志教

記先王盛時道德一風俗同行成乎邇而達於遠政舉
於上而服乎下毀譽不僭誅賞無濫士生其間一意修
飭而無所回互上之人亦惟好是正直而不眩焉孫叔
敖有言國之所是眾之所非則固有感於先王之盛矣
宋故參知政事歐陽文忠公修以古文倡天下以風猷
立朝廷以禮義廉恥處進退之際後世至比之韓愈孟
氏而猶惜其不盡用南渡之初建康通判楊忠襄公邦
父不肯以城降敵刺血書裙死於位開禧之季寶文閣

待制楊文節公萬里不肯屈附貴勢媒進取間擢臣誤
國計憤恨不食死於家去今三百餘年流風遺烈與秋
霜爭嚴嗚呼尚矣然文忠在當時一知貢舉而諫者成
聚一入政府而諛者盈庭一移書朝列而如高若訥者
亦得以操切而困辱之一賦詩稍及時事而雅有譽望
如晏元獻猶懷之終身不置一不奉行新政而晚出用
事之人相與斥排目爲流俗奸邪至使朝廷薄敬故優
老之禮而不恤此其見是於人蓋亦無幾矣至若忠義
文節事不盡傳然竊計一時全軀取寵之徒黨與倡和
必有以明夷之用晦縉時之變通峻厲之畔道若節之
匪貞上下其議論者陰淆名實之位潛鼓進退之機使
天下之人靡然習而安之信而用之共於兩公所爲不
詭其悖必笑其狂由今而觀其是非何如也雖然亦豈
待今而後定也時移事變公論隨白乃欲追直其毀譽
而正其誅賞則已無及其人無益於事矣嗟夫此豈獨
士之不幸哉今永豐之沙溪歐陽氏之先塋故在吉水
之瀕塘楊氏之子孫具存沙溪故隸吉水故吉水有忠
節祠合祀三先生者舊矣歲久修葺不闕頽毀略盡江
西按察僉事南海陳君夢祥按視學宮軫悼湮廢乃命
以贍刑之金別構祠屋爲三楹閒於講堂之右孝子亭
之北立主奉祀一如故事旣邑之人士謂教宜考故詔
令刻之祠下教不敢辭痛惟三先生之烈在天下不啻
家至而日見之況於鄉邑之間父兄長老所誦聞街談
巷議所道說無亦嘗有扼腕太息於其時其事者乎無

亦有欲動企仰願爲之執鞭者乎有志之士尙明道以端其趨養氣以厲其守庶幾三先生之是而不奪於眾之所非匪直先正之光鄉邑之重實國家有賴焉陳君勇義強仁所至彰善瘴惡樹之風聲觀其所是可以知其人矣

楊氏忠節祠在澹塘祀宋楊邦父楊萬里府志

胡文穆祠祀明大學士胡廣在夏朗邨府志

解學士祠府志作解文毅祠祀明翰林學士解縉在儒學前志

府志

熊芝山祠在大東門外祀明都御史熊槩志

李莊介祠在谷邨祀明都御史李中志

羅文恭祠在縣學右祀明贈光祿少卿羅洪先志

鄒忠介祠在縣學前明巡撫解學龍建祀左都御史鄒

元標志

劉文介祠在文昌鄉夏朗祀明學士劉儼

府志

劉文節祠在忠介祠右祀明祭酒劉應秋舊在解文毅

祠右乾隆十四年移建於左

謝志

府志

劉一珠記

神宗朝文節劉公以直言議切朝政忤旨宰與忠介鄒公齊名顧忠介謫未久旋起用歷遷至都御史公官國子監祭酒竟被黜以卒崇禎時始贈禮部侍郎賜祭葬建祀祠於學宮前論者咸惜公弗獲大用要之公文章節義彪炳史冊固未嘗不與忠介同至今猶有生氣也余米司吉鐸載稽祀典若歐文忠公羅文恭公曾恭肅鄒忠介李忠肅解春甫諸先生祠祀俱如故獨公祠傾軋殊甚每春秋祭享俎豆無所布簾羊之供深人憑弔客歲邑有修學之役其從孫國博斌在城襄事他然與族孫虞生維誠謀之族人捐資葺理中仍舊爲及肩堂祀公專主前席以門廊後增築寢室屏列本宗崇祀鄉賢諸先輩位於其間而向所嘆爲頽垣斷瓦之區不數月已煥然巍然與文忠諸祠並峙呼余於茲有感矣夫天地之正氣鍾於人爲文章節義其用世有幸有不幸而其精神自塞宇宙互古今而不可磨滅公與忠介莫逆祠宇亦復比鄰過茲祠者當必振奮悚厲而文章節義後之視今猶今之視昔夫乃知國博與其族人造於此邦人士大且遠也

曾泉南祠在濠右府志

彭狀元祠在瀧頭祀明侍講彭教府志

三曾先生祠在縣學右祀明布政使曾存仁吏部尙書

曾同亨大理寺左丞曾乾亨府志

毛襄懋祠在南城外祀明工部尙書毛伯溫縣志

忠孝祠在元潭嶼坑明崇禎中建祀刑部郎中李廷諫

額曰忠孝謝志

旌忠祠在城內大街祀明左都御史李邦華

國朝順治十六年

賜諡忠肅并給祠祭田畝謝志

陸公祠在北門外祀明知縣陸運昌

國朝乾隆八年重修府志

友烈祠在縣學內祀明李士開

國朝康熙二年守道施閏章重修道光五年移建學後

明女震孟記友烈祠祀古水李君士開必先甫必先
與異母弟士國同舟而濟弟溺於水必先號為因自投
於河以殉邦人哀焉為上其事臺使者臺使者下撤郡
邑祀君膠庠而其哲人謂既奉明旨風勵名教坊固不
敢建坊以旌邦人謀之謂既奉明旨風勵名教坊固不
若祠之永也先是邑有隋李孝子之祠蓋祠父而死於
火者今必先則殉弟而死於水者已議合祀或又謂祠
後為孝子墓配享非宜則別祠於孝祠之右兩賢相峙
若賓主云祠何以名友烈也蓋人倫有五臣死君為忠
烈子死父為孝烈妻死夫為貞烈朋友相為死為義烈
惟兄未有為弟死者今兄為弟死名以義起標為友烈
不亦宜乎有私諡必先為孝烈者蓋原本其志意以為
烈烈之氣發於至孝且書固有之惟孝友于兄弟天下
未有不孝而能友者也是以諡之孝烈也而祠以表微
則弗如友烈之彰也

功德講堂在北門外祀

國朝巡撫董衛國布政使劉樾巡道韓庭芭姚啟盛知府

郭景昌增祀知縣王雅邑人李元鼎府志

節孝祠在湖西道署左謝志以上吉水

永豐縣社稷壇舊在報恩寺塔後明萬曆十九年知縣吳期炤遷永甯寺故址後知縣瞿式耜仍遷塔後

國朝改建城隍廟右府志

先農壇在一都田西隴嘉慶十七年因壇地卑溼移建

恩江書院左謝志

神祇壇在狀元樓上游府志

厲壇在三都謝志

關帝廟舊在南門外後改爲龍王廟乾隆五十三年州

同徐詠川移建城內南坊並立帝先代祠府志

文昌廟在縣學右嘉慶十七年邑紳陳錦祥捐建尋廢

同治五年邑紳王如瀚重建

府志

城隍廟在縣西歲久圯康熙五十六年知縣王坦重建

咸豐閒燬於寇同治十年復建

謝志府志

龍神廟在南門外卽關帝廟舊址乾隆五十三年建道

光閒圯於水移建觀音閣右咸豐閒燬

府志

火神廟在下西坊六一祠左乾隆四十九年建

縣志

劉猛將軍廟在城隍廟右道光二十三年知縣馮詢建

咸豐閒寇燬

府志

東嶽廟在南坊

府志

天后宮在下西坊道光閒建

縣志

汾陽王廟在治南祀唐郭子儀

國朝雍正三年知縣胡仁濟重建咸豐閒燬同治九年重

修謝志

張王廟在上西坊

謝志明吳期炤記張王廟莫詳所

黃匡湖記謂王即張公巡也昔隆祐太后暨太子自嶺
反避胡難急潛入公廟須臾門結蛛絲飛塵萬壘胡兵
尾至者以為空廟無人遂不入太后獲免兵退解玉帶
謝之今尚存偶墜一簪不旬日珠璣茸生發化為含
笑花云後太后還金陵太子即位遺將楊世雄鐵兵符
金帛來廟以答靈貺二將竟代地死謂上帝差領兵符
而逝由前鹿宋后一事似為忠魂由後死二將一事似
為祟鬼是神果雖陽邪余悲此地好鬼祟時社祭必引
死生罔忽之說以為神靈若領符暴死者此皆愚民好
鬼信邪之長語也雖陽忠義天植觀其西向告唐天子
曰生無以報陛下死當為厲鬼以殺賊至今謂其言凜
凜生氣公生受胡鬼之害唐雖改物而不與虜俱生之
心越千百年而不能一日忘者趙宋國步多艱胡騎踴
躡中土此忠魂之所不忍故陰冥之中脫太后太子於
難是即不食死當殺賊之一言若中土命使公果有靈
方將佑而還之易為陰極而速死之也雖陽奉之乎則亦
依也心者神之主也此方之民果以睢陽奉之乎則亦
敦禮明義崇正去邪俾心與神通自然敘福遠禍矣必
信崇鬼謬迷之事以為神靈余核此方賢達皆言廟祀
睢陽其言淮陰者非是余信之遂書乾坤正氣頌其門

蓋將聚睢陽之神而又以
堅此方奉睢陽者之念也

三閭廟在水南祀楚屈原

謝志

忠靖王廟

縣志作英烈廟

在縣治東祀唐張巡

謝志

醫王廟

縣志作都天醫王廟

在縣治北祀張仲景

謝志

旌忠廟在縣北一里祀宋邑令趙訓之嘉定元年賜額

後增祀縣尉陳自仁熊彥明

謝志 皇帝中興之三年歲在己酉

金分道入寇江浙大授十一月隆祐太后自洪上鎮

護衛將杜彥揚舉道叛居撫之崇仁縣遂犯吉之永豐

知縣事左承議郎宗室訓之素懷忠憤有為國捐軀之

志至是率尉修職郎陳自仁拒戰境上分民兵為二一

統賊後一據地利誘以羸卒賊遇伏兵而敗他盜豎附

賊張尉死之侯力不支轉鬪入郭罵賊遇害年四十四

賊視其營柵嘆服而去邑免焚蕩士民獲全不可勝計

人德之奉其柩葬太和直源鄉又耐祠城隍廟水旱

疫禱焉明年詔贈朝散郎加直祕閣官其後兩年自仁

亦贈通直郎官其一子同立傳國史久之二孫彥權彥

權皆踐世科歷內外任慶元五年彥權以九江郡丞沿

檄省謁祠墓始從父老歐陽昌等得侯死所即邑東藥

志

師院隙地創廟三間設侯及夫人俞氏像尉與享焉廊
廡門闕嚴潔相稱以九月興工六年二月邑官致祭落
其成郡守趙善鑒觀作既助費復上其事於漕漕雷
澤下樂安丞吳魯卿新塗主簿梁季安繼來覈實俱謂
侯節義顯著禱祈輒應實有功於民嘉泰元年太常擬
賜廟額旌忠六月壬寅制曰可彥燭等請文刻麗姓之
碑乃作迎送詞歌以祀焉其詞曰忠死為神仙兮前言
孔彰我侯解兵兮上征帝旁民懷德惠兮姓名愈芳天
子有命兮典祠舊疆新宮翼翼兮像設堂堂帝意若曰
民不忘汝汝豈忘往其廟食從巫陽春秋祭饗禮有常
牲牢潔肥饗椒觴坎坎伐鼓舞洋洋神具醉止欣樂康
時節湯帝奏祺祥雨暘以時豐稻粱厲鬼驅除絕寇攘
恩江湯湯兮與神之績彌遠而彌彰林永中記事有
恩久而彌彰與世而相感者惟忠節然也我宋建炎之
初鑾與南渡國步多艱叛將逆賊乘隙竊發楊泉之變
吉之永豐令趙公訓之偕尉陳公自仁提兵捍禦俱死
於賊迫紹興二年謝小鬼唐小鬼嘯聚先破撫之崇仁
倚勢來侵邑之遇源能公彥明為宰有仁愛忠憤之心
聞其來慨然領兵出境迎敵遇於興平鄉打禾場力戰
而死賊遁去民賴安全其後有以舉事聞於朝趙公累
封至忠果公陳公亦自初品官贈通直郎久之復為奏
請賜額旌忠人丞相周益公記之詳矣陳公雖立位與
享像則未有也惟熊公死後當路者不白於上張封之
典尙缺人思其恩立像附於城隍之祠歲時薦享至今

不忘嘉定丁丑延安韓君來為邑丞才力有餘識趣超卓創疑折滯易於決流視事之明年百廢具舉吏民敬畏又明年政成閒暇復修旌忠廟一日謂永中曰陳公與趙公獲並祠於旌忠廟而可獨無像乎熊公死節與二公相諡頑而不得附祠於理安平永中對曰茲事關風教然為吏者困簡書束繩墨鮮克介意亟圖之明日公復道書老而諡其首末陳公容貌尙有能記憶之者於是命工肖其形而望之熊公舊像亦新彩繪乃謂占日並迎於廟既至則率同寮視以少牢酒行三獻水中以備官小職擢行終獻事竟與耆老嘆息而言曰捐軀死國非節操與秋霜爭嚴者孰克祀表賢勸後非草木同臭腐者孰能為國家自紹聖後元祐忠義之黨流落斥死殆盡奸臣相結專執國柄勢焰薰灼極而至於宣政十大夫以諛佞成習名節盡喪釀成金人之禍故馬南牧長驅直入如涉無人之境內外之臣貪生失守者不可勝紀三公特台尉尉所立如此是誠一代之偉人也今韓君距其後僅百載乃能立其像而並祀之豈非事有歷久而彌彰異代而相感者乎韓君旆武當軍節度使之孫忠武斷王其叔祖也二公中興名將忠義大節君蓋生長見聞者其人可知已嘉定庚辰某月日

康王廟在城隍廟右祀宋康保裔

謝志

文孝廟在北坊

府志

水府廟在二十都府志

后土廟在六都府志

萊蕪侯祠祀宗聖父曾點府志

宗聖祠祀宗聖曾子府志

六一祠縣志作在永豐瀧岡祀宋歐陽修洵熙閒陳慤

簡建咸淳二年修

國朝乾隆嘉慶閒知縣陶浚朱俛先後倡修一在縣學東

北謝志縣志宋楊萬里記予門人永豐羅椿移書
抵予曰吾邑之沙溪六一先生之故鄉也有先生祠
堂舊矣其左老子之宮曰西陽者也其前崇公之墓也
星圯於潦里之士陳慤簡撤而新之其經爲尺六十緯
稱之爲楹三十有六監丞周公必大爲書五字以揚之
而未有記之者願介椿以請謁焉萬里曰是不記不可
也蓋以韓退之之後斯文絕而不續至先生復作而興之
天下之於先生不此之知者否乎若夫自唐宋五代以
來爲臣者皆以容悅而事君能以容悅而事君豈不能
以容悅而事警乎忠言直節舉明主於三五以丕變容

悅之俗至於慶厯元祐之隆近古未有天下國家至今
顧之亦有知作而興之者先生乎自古是非予奪聖賢
不能齊也及其齊也聖賢不能易也如三百年之唐而
所師傳者惟退之一人本朝二百年矣而所師尊者惟
先生一人何其齊哉舉一世而皆然或者以一千夫而
然然者眾不然而齊者寡未害其為齊也後此而千百
如今日乎未可知也其不知也先生可以無憂矣夫抵
然者眾不然而齊者寡未害其為齊也後此而千百
人君子歟不然而齊者寡未害其為齊也後此而千百
世其學行於天下後世雖不祠之天下獨不知有先生
乎生而無下遇歟而後建祠此賢人之天下獨不知有
幸也乎古者鄉先生歿而祭於社非鄉之盛獨先生之
先生所以後實先生也今吾州自邵州校皆有鄉先生
今世之士其有所舉廢也或者有所為而為之也自肩
山之蘇豫章之黃和繼淪謝先生之徒黨皆無在者而
陳慥簡齋然作斯堂而尸祝之其為誰也生而有為其
不以此而易彼乎清熙丙午正月日歐陽守道記
祐初今參知政事古心江先生守吉州以進士為郡
客先生問曰此州天下下隔歐陽先生想文忠公後其
公幾世乎子對曰非也予之先世墳墓遠者二三十年
皆幸存而各諱官職所居所葬與公龍岡阡表無一同
者歐鄉之祠亦不起於公蓋自南唐時郡為歐陽進士
表坊里已有之矣先生嘆曰子乃不肯如他人附同姓

世之祀公之瀧岡吾知其亦計及此也況豐碑刻表又
不止於四尺之封乎陳氏子孫雖不識公而公之初心
固以好是懿德俟斯人於來世矣東坡公之門人也既
葬宮師公於老泉終身不得上邱壠元祐間有賈大夫
者倅眉坡公視以青松三萬願得以甘棠同不翦賈爲
往視坡公謝之當是時坡公在朝賈大夫愛及其先墓
猶有一日交情之素孰知陳氏數世於瀧岡存亡不相
及無所爲而爲之者文忠公遺像在堂陳氏往往拜之吾
知精神所感公之神更有甚於蘇之爲賈謝也賈靡諱
懋簡里人以誠齋品題稱爲獨立翁松穀處上諱無蔽
字幼哲應雷其曾孫也幼哲晚年有意新是祠堂未就
歿有遺言應雷方葬父又追繼先志皇皇乎不能緩豈
非世世爲尚德君子哉嗚呼世俗所謂祠推禍福驚動
者常得之不然則又視時之所崇尚者其於先賢亦如
浮屠老子之宮更衰而迭盛彼不必皆出於中心也自
誠齋前記已嘆之矣坡翁序六一集曰天子明聖詔修
取士法俾後學者知信歐陽子之書今歐陽子之書故
在也陳氏一家於是爲篤信矣咸淳二年某月日曾
煥記歐陽六一先生歿百有餘年縣學雖以時祭祀而
祠宇獨缺范熙丙午陳懋簡始建於瀧岡所之側嘉定
丙子今大參宣公守是邦復建於郡治之南壬午知縣
事陳侯又建於縣學之北旣成貽書中都屬煥記之自
夫子後爲孟荀楊韓繼以道鳴建公出學者翕然師焉
請爲吾宋韓愈氏則尸而祝之皆不容已況承豐乃公

父母邦也惟公之鉅業崇勳傳信國史高文大冊垂訓
無極然鄉邑後進邈不見前輩典型非有以作興之則
遺風餘韻將遂消泯此侯之意亦慨然以道自任事不
出仁宗英宗一意嚮用公亦慨然以道自任事不
極論直前與高若訥書論貶夷陵後遊翰苑參大政內
外徧歷忠節凜凜輔成盛治超軼漢唐前後稱名臣惟
韓富歐范且自唐宋更五季士氣卑弱累朝聖化孜孜
陶冶而時循以錄裂怪僻相尚公奮不顧一切屏絕而
後士之知鄉方聖宋文風追躡三代則公之所立爲何如
易公自諫院屢請責執政以時所求以自全者尤不
側目黨論既興相偃而當羣邪交嫉中求以自全者尤不
而卒無狀楊承德陰中之言公之迹復危矣而卒不行
薛宗儒無根之謗御史持益力公之迹復危矣而卒不行
窮詰卒無指證雖主德聰明眷簡優渥然非公生平所
立結知有素得自免邪免於一難矣況至再至三邪甫
踰六秩翩然懷歸卓爾高風足勵萬世於戲一氣孕秀
閒生賢哲至和發洩斷自有時不知又幾百年而後復
有如其者出則士之於公可不知所愛慕邪幸而仕
於其鄉者又可下思所以致其敬邪觀公之記諱乎道
則公亦何事乎祠觀公之記吾州學也諱乎道德廟
秀之說則公之意也陳侯名觀永嘉人今爲奉議郎
之是亦公之意也陳侯名觀永嘉人今爲奉議郎
癸丑七月望元吳澄西陽宮記文章之傳世雖聖賢

之餘事然其盛衰絕續之際實關係乎天地之氣運周
秦以前尚矣先漢賈馬二子以來八百餘年而後唐有
韓子韓子以來二百餘年而後宋有歐陽子天之生斯
人也固不數也是以百世以下萬口一辭稱爲文章之
宗工尊其文則尊其人尊其人則敬其親苟敬其親也
則其敬無乎不在而況其墳墓所在乎此予所以不能
已於西陽宮之記也西陽宮者何歐陽子之親之墳墓
所託也昔韓子三歲而孤先世墳墓在河陽時或往省
歐陽子四歲而孤二親俱葬吉永豐之瀧岡終身不能
一至蓋其考崇公官於綿而生子官於泰而遂終妣越
國太夫人鄭氏以其子依叔父隨州推官粵一年崇公
歸葬於吉葬後還隨歐陽子年二十與潁州貢二十四
登進士第歷仕多在江北及留中朝年四十六而太夫
人喪次年歸附崇公之兆葬後還潁崇公之葬距越國
之葬踰四十年越國之葬距文忠之葬又二十六年六
十年間欲如韓子之一省墳墓而不可得其墳墓之託
幸有西陽宮焉宮在永豐沙溪鎮之南舊名西陽觀莫
詳何代肇創宋致和乙未豐道士彭世昌起廢掘地得鐘
識云唐貞觀三年己丑西陽觀鐘崇公諱觀贊異而字
同乃請於朝改觀爲宮宮之後有祠堂合祠崇公父子
阡表世次二碑暨於一亭中間祠堂敞里人陳氏新之
淳熙丙午誠齋楊先生爲記其後堂復敞陳氏子孫重
葺咸淳丙寅黃齋歐陽先生爲之記甫田萬侯崧卿守
吉出錢十萬命邑尉陳元勳修築瀧岡阡之門牆與墳

紹興辛亥良齋謝先生記其事尤為該備獨西陽無片
 文可稽祠堂初記丙午至今一百四十四年矣祠堂續
 記丙寅至今亦且六十四年矣而宮之道士鞠文質始
 遺其徒蕭民瞻來請記建宮本末民瞻之言曰宮面山
 枕溪拱抱明秀金華桃源巖其左龍圖鳳嶺峙其右地
 之廣袤六畝而縮禮神安眾室屋且完宋南渡後道士
 賜紫者四劉師禹陳宗益彭宗彥曾若拙也田之歲入
 米以斗計三百而贏則宮之可藉以永久者宜也而予
 竊有慨焉富閭諸禮士之哭墓而後行然則古人未嘗不
 也子路去魯顏子俾之哭墓而後行然則古人未嘗不
 以不得守其墳墓為戚也而唐宋二大文人栖栖無所
 歸末年就京就穎而家悉不得歸近墳墓豈其心之所
 樂哉今瀧岡之阡歲時展省如其子孫者西陽宮道士
 也據禮之常揆義之正雖若可憐倘非歐陽子之文上
 配韓子如麗天之星斗光於上下與天無極而人之為
 仰推之以愛敬其親者亦將與天無極則亦何以能使
 其親之得此於人哉夫能使其親之得此於人也其不
 謂之孝子哉此予所以謂之孝子也而但謂歐陽子為文
 可乎哉噫此予所以不能已於西陽宮之記也天恩二年九月甲子

四忠祠在縣治祀宋教授羅開禮明大理丞鄒瑾御史

魏冕鍾同志

武城祠在縣治祀宋進士贈武城伯曾晞顏謝志

祀鄭國公不知何據考元史文宗朝加封曾參為鄭國宗聖公晞顏雖其苗裔不得襲稱鄭國吳文正武城書

院記云晞顏為宋進士以子德裕貴元贈武城伯今據此改正

五忠祠在北坊考棚左祀元江西行省參政劉鸞帥府

經歷劉運縣尉陳無吝宜春教諭唐述明監察御史鄒

樸縣志

一峯祠祀明羅倫明知縣吳期炤建在下西坊報恩寺

右謝志縣志吳期炤記先生舊有書院創自督學邵公蓋陳俎豆以祀先生者先生有仕之初南陽李

相有奪情起復之事先生憂之草扶植綱常疏奏一時直聲聞天下咸稱有開世教云越百餘年而故相江陵

公亦欲為奪制之舉人有借先生之言營之者不勝忿忿大懟謂天下凡創立書院所稱道學名流皆迂儒腐

子不足與計天下事命所司擴先生之祠毀之及今父幾二十年所矣嗚呼可畏者先生之祠而不可毀者先

先生之言尤不可畏者人心好德之公曠百世而常在也先生之言曰老者天之經也地之義也國而非此不可

以爲國家而非此不可以爲家人而非此則禽獸矣中
華而非此則四夷矣縷縷千餘言皆刺心破骨之語胡
斯人之徒祇以榮名利祿之故而失天經地義之常不
思食稻衣錦之不安而甘爲禽獸四夷而不知恥也雖
然先生與人爲善之心人猶未之諒也當其侯奏之時
惟冀天子聽之相臣遵之上下安於禮制之中爲愉快
爾惟其不能而使天下後世之人但知疏者之是甚非
先生之心也及毀先生之所欲也何也先生有青天白日
者之非是又非先生之隔暴人之短以自高其有青天之
之心無形骸爾我之辭堂饌之金則曰自高其有青天之
心不如是也觀其辭堂饌之金則曰自高其有青天之
亦不可以自取而散之百姓可也戒堂金不可以賂人
則曰仕進之始推骨剝髓之害及鄉里之人義乎不義乎
儉以用之而以有餘者返之鄉里之善心可也先生養已
之廉而又欲成人之自高其與先生之善心不如此其
故曰暴人之短以自高其與先生之善心不如此其
退處金牛洞說者謂其晚耽山水之勝余竊以爲不然
余聞先生引疾而歸將以行誼表於鄉族卒也置器之
習不可引翼而善先生不能一則居矣乃結廬金牛日
取先聖之遺經沈潛而探討之思勒成一章之者故遂
先知而詔後學惜其歿後未有以是表章之者故遂
泯而無傳也况金牛萬山深處非有佳勝可以娛賞即
使有之亦滿泉枕石者之所棲而豈有心天下者之樂
處哉說者又謂先生氣節高天下乃研磨義理之功或

少遜焉噫是果折衷之定論邪余愚情未獲聞道奚敢
置一喙以論往哲獨藉先生著作之存如五經疏義亦
既繭絲而牛毛之矣且其出處進退辭受語默無一詭
於聖賢矩矱自非真知力踐深於道者何以有此哉
子善養治然之氣萬世而下仰泰山巖巖氣象不曰得
於居仁由義者多乎若先生之祠為堂為寢為館舍既
豐令之二年乃再構先生之祠為堂為寢為館舍既
其成遂取此邦之彥考道而問業焉庶幾景慕前修以
砥德行先生與人為善之心或在茲歟尚曰崇棟宇以
侈觀望是世俗之所為存先生者嗟嗟以是有之雖存
猶毀矣是為重拂先生之心余小子亦與有咎焉

聶貞襄祠祀明贈少保聶豹在考棚右

謝志縣志

褒義祠在文湖明嘉靖閒總督胡松檄建祀明田心義

士吳雍八吳瑩三

縣志

昭忠祠祀謝起鳳聶正興李向榮胡彪高彪陳略徐吉
諸人嘉慶閒勦湖北教匪陣亡奉

詔予卹銀並祀昭忠祠

縣志

新四忠祠在西坊祀知縣瑞琳縣丞萬慶章巡檢路秉

中都司蕭德祿同治四年建府志

壯武祠祀贈內閣學士湖北記名道加按察使王鏊一作

翁同治元年建府志

褒節祠在城西祀節孝解心翼妻張氏元鈞謝志

節孝祠在聶貞襄祠右謝志以上永豐

安福縣社稷壇在縣南二里舊在縣西南一里明洪武

七年徙今所謝志

先農壇在南門外謝志

神祇壇在縣南二里謝志

厲壇在縣北二里謝志

關帝廟在治南舊在北門外乾隆間重修同治五年移

建縣署右

謝志府志

文昌廟在縣學左

府志

城隍廟在縣西百步明知縣趙敏修

國朝康熙乾隆間先後重修咸豐五年燬於寇同治二年

知縣殷禮復建

謝志

府志

明劉球記今天下有司

稷與城隍之神

爾然

祠稷山川

皆位乎壇歲不過再享

其巍然正席而

廟處月朔

望須上致虔則惟城隍與先

聖賢先聖賢教博萬世通四海城隍聖賢垂教無非欲人歸

為道有常典所

破有廣

狹然先聖賢

垂教無非欲人歸

善去不善而城

隍能福

福善不善惟其均欲善也均有

益於國家有勅於生民故並加禮獻聖朝既祀典品命

我安福縣城隍

為顯佑

伯於爵既崇於祀實嘉廟故在

縣治之西百步完而復祀久弗逮修覆殿宇雨風不

蔽垣墜徑通人

畜趨便庭

枝剪而無禁祠

器遷靡有常

祀事修不以時

神不康處

人莫擇其忠永樂中前兵馬

指揮天台趙敏修林來知縣事能任去敗就完舊已責

勛躬連歲材茂

有疏力量無

勉乃進者

考曾教營工

厥中寢無易舊

員其後為

靈室其前為

參廊又其前為

閣門其東西為

廡咸以更新

覆塼墜而風雨

却於外垣

扁固而人皆不得通其中槐柏樹庭而日茂奠簾設廟以不遷牲醴以時而上薦神用顧享無作瘡札而人以甯邑里歌曰昔公未來神往祠顧致我民災今公莅政神乃有定民實蒙慶我願我公主此廟宮靡有攸終永綏我者童蓋公嘗新學宮大先聖賢廟然後勤茲工起民頌於序無失有足書者初廟之壞故碑徙於勢家毀滅文字畏不敢處納之學宮學宮不有復入於廟人以爲神威所回至是耆耄請砥以刻誥命并廟興替之由殊故得專筆書之

東嶽廟在治東秀峯下今移治西

縣志

許真君廟在城北道光乙酉年建

縣志

韓將軍廟在縣北祀漢韓千秋

謝志

劉公廟唐寶應間縣令劉像有惠政民感之立廟祀焉

府志 明王德新記唐肅宗時劉公爲安福令公諱像字政震最愛民民謂德重心而有畏雖裴晉公之王曜而公部職方員外郎征蔡而禽元濟雖裴晉公之王曜而公實參佐於是擢潁州團練使畫奇禦吐番帝嘉之功封益國公進爵廣平王薨敕贈與祚王莽蠻湖白馬峯今其裔繁且顯云邑之祠祀也入國朝猶昔嘉靖間有利

其阻毀為私室祠更從數數父老子弟津津焉復力勿
遠司理潔吾朱公有慨於中於戊戌月金瀚其佃費復
之率厚其精垣煥然大堂則乙亥孟冬月初六日也前為
大門厚其精垣煥然大堂則乙亥孟冬月初六日也前為
何司理公遊諸士若黃國相歐陽一政蕭鳴和黃國棟
毛鳳翼謀之司理弟仲章氏曰祠常有以垂不朽爰詣
草廬丐不佞一言不佞有憾而嘆曰異哉劉公之感人
心至矣今而不忘也是豈其威靈赫奕震慄聽睹故如
是則以精神之流注於有唐蒸蒸乎為若赤國承賴其
德衷非人所能窺不然而其闕之豪傑留迹而茲土若
勒邑乘而祀名宦者尚矣有挾伎倆以微彈譽而為華
要之臨天者偏焉然笑智史之行其與日棟焉承命而
不見德久而湮沒無聞則其故可想也安得千百年如
劉公猶儼然臨之入其堂而肅然起敬也邪孝廉羅君
一鵬因余出城語余曰我邑之光復神祠也而得問民
依於神民之依於豈弟也子之言台人揚然有遺想焉
即靈神且欣然曰爾邑之香煙我言台人揚然有遺想焉
若神明者祇以視也則我當年伐檀之憂未歇也吾見
其神人胥悅而拜子之賜是祠蓋朱司理諱仲廉倡
之諸士民踴贊之輩是役則朱仲章歐陽昌智士宏
田刺史廟祀唐刺史田陽縣志

聖君廟在治東祀宋令孔良輔縣志

水府廟在北門外

縣志

蟠藤古廟在治南天臺山

山西縣志

宋王庭珪記出縣

許林壑幽險溪水出孤源西山當洞口水抱山麓下
而屈蟠皆數百年物也每風雨至林木震動水石相搏
觀者毛髮盡寒震悼不能久立相傳以為龍神之所窟
宅故水旱疾疫凡有求禱者常若有應焉紹興十五年
五月不雨六月不雨苗將槁矣編諸郡祀弗獲縣宰向
公披地圖訪耆老咸言西山之靈乃率僚佐以往視神
所居蟠藤之上三峯峻峙鄉落所謂三峯蟠藤之神氣
景陰森崖壁怪偉使人凜然既祇飾祀事有雲出於峯
頂須臾蔽日隨軒而歸眾咸異焉日暮大雨明日又南
是歲大穰繫神之力向公具其事乞封爵於朝且用者
老言數十年以來日視靈異殆未可悉數於中更喪亂
潰卒四出巨盜在境神示風霆異殆未可悉數於中更
怪之物卒退走之其事詭異或者疑焉然皆近時事者
老目覩人皆詳言也夫山川皆有祀典業休顯而力請未獲
輿雲雨澤及萬民此固宜有祀典業休顯而力請未獲
若乃神之盛德實不係封爵之有無論神而論封爵猶
論人物而問官爵蓋大官大職豈其盡澤斯民神亦猶
地是

大忠祠在縣治明嘉靖間詔祀宋太學生王炎午

謝志

五忠祠在城內祀明李時勉劉球鄒守益劉臺傅應禎

府志

趙令祠在治南祀明永樂間知縣趙學成

謝志

劉忠愍祠在治北天順間建祀明贈翰林學士劉球一

在里第左一在縣治後

謝志

府志

徐有貞記英宗時有侍講之臣曰安成劉球以

忠諫死後七年朝廷始用言者請其官翰林學士賜諡忠愍

於祠祀祠有三一在劉氏里第之左一在邑治之後特

祀公一在郡中以公與宋歐陽修楊邦乂胡銓周必大

楊萬里文天祥諸忠賢配至是公之子參政敏憲副鉞

以書來曰惟先忠愍公平生相知之深者今惟執事在

惟是祠事敢以屬之執事執事其必成之有貞受書而

嘆曰嗚呼君臣以義合者也而時有不安焉則必不義

之為聞耳開於不義必由奸宄夫奸宄之蠱君心而亂

國政也必先戕斥忠直之臣隔絕諫諍之路然後得以

竊持主柄移易國論莫敢誰問天地由是閉賢人由是

隱其不得隱而仕當其時者有死與逐而已遂使聖明

之朝無幾言之休有諱言之咎可勝惜哉當正統中太
星太后既崩而尤振用事皇帝富於春秋方銳意有爲
而振蠱之二三大臣受遺輔政者或畏而諂焉公獨嘗
扼腕歎息欲起而救之振時始爲麓川之舉公上疏請
緩南征不從未幾會雷震奉天殿鵠吻詔求直言公乃
發憤陳十事帝初覽而嘉之下羣臣譏振以公勸上親
政務有權不下移語銜之乃陰使其黨司禁衛者因事
搆誣奏建公面壁之獄自是政柄遂下移振手脩閣儒
臣之頁者悉道屏斥其不良者乃以奸宄比而微進八
座九列多其私人或父事之翁稱之蓋惟知有振而不
知有朝廷所以致己已之變宜振之族雖已誅戮而迄
今士氣其猶沓沓焉未之奮也帝初復位臣有貞常論
及公之事宸衷爲之惻然歸振之咎而或乃應恩宥徒
恩養焉而亦貞亦被曹石所搆振以逐而或乃應恩宥
沮公之喪而易以衰振國論由是又滿可勝惜哉蓋公
性剛敏過請經而尤深於春秋天下之言春秋者多師
之匡世之志將汲汲焉驅今而還之古不特忠諫之臣
有貞初舉進士贈公筮仕在儀曹已爲知已及人翰林
爲同官嘗同修宣宗實錄又同修太常禮書於僚友中
爲特厚故公之被戕而有貞之見忌於先黨特甚又以
先有封事與公之言合也振尤欲中之至檢封事中有
非所宜言懇馬賴帝之明以免開嘗爲詞以哀公南行
而逸之及茲北還城不自意及復得秉筆記公之詞輒
不辭讓救淚而書之以明殺公者振非先帝本意及振

族之誅亦足以爲奸宄之戒者直筆不文庶存其實於
天下後世云爾天下後世之人其尙有所懲而鑒於斯
乎鄒守益記兩谿劉公以侍講疏十事首勸聖學以
正君德終修武備以防外患上悅之下羣臣議會瑞王
振怒其侵己曠奸黨馬順誣以事下獄公厲聲憤罵竟
支解其體天下大夫士悲公之忠噤無敢言者會稽布
衣成器爲文哭於龍山名曰祭忠臺未幾朝廷族振家
而羣臣竟擊順於廷其黨咸東市始開公翰林學士諡
忠愍遣守臣諭祭於家復祀於吉安忠節祠位次文忠
烈下而公之子鉉及鉞市地邑治之北以創專祠當道
好德者踰其祠曰旌忠坊曰大忠祠曾孫鎮彥次名公
所作名曰忠愍事蹟而綯登諸梓元孫祥猶以祀典未
舉於寶崇非備也偕郡邑諸生請於中丞汪公鉉錄村
史沉公越檄已令李君一瀚議於春秋縣官率儒學師
生致祭祠下責令守祠人劉文璣等蒞田以修祠會新
尹潘君璵至與司教張君天欽阮君相鯨君樹肅然協
舉祀典徵記於益益嘗聞幽明之故矣出於義則至
大至剛浩然常存軋磨日月噬吸陰陽磊磊落落如龍
變而鳳翥命之曰昭明昭明故其神不亡出於不義則
人非鬼責氣藹皦奪將螭縮而蜺伏命之曰淫昏淫昏
故其鬼不神昔古先聖哲緝熙敷止雍雍肅肅亦臨亦
保實與天地參而四時同故曰文王在上於昭於天文
王陟降在帝左右其次則忠臣義士精采赫奕震蕩發
天符合地貞君蒿懷愴如將見之故曰任羽人於丹邱

與泰初而爲鄰其在睢陽效忠天寶厲鬼投賊若持左券豈緊氣數適合其昭明使然也迹忠愍之素履摩礫以古人自期睦於家孚於鄉誘迪於後進破沃於經筵清介於蜀府先見於麓川所謂集義養氣要非一死以爲烈者故馬順之子怒罵奸逆逆黨獲魄竊素所免視睢陽尤烜著而百餘年來搢紳大夫士曰道德曰氣節曰行誼曰文章台辭愛慕若哀其父兄親戚而道出祠下罔不瞻戀歎慨然有神遊八極之想屈子所謂超無爲而鄰泰初其果謫誕不經也邪凡百君子鑒往燭來可以思齊可以自省可以懷然得師矣昔韓昌黎於甄氏父子事以濟之節不屈而逢能刻身以標白其先俱行應史法以勸善若忠愍公所遭視濟尤格而參政針當馬順之誅手刃其心以復父讐憲使鉞誓不與權奸同朝權奸誅始仕而參議鎮及大尹絢倦倦表揚忠蹟徹天下耳目至於思州祚力舉祀典老而不倦視逢復奕葉有光焉於法皆率連得書以爲世濟其美者勸

李忠文祠在縣治明提學李齡建祀祭酒李時勉一在居第左齡檄知縣李會建一在城隍廟右正德間王世俊等呈請御史唐龍建

謝志府志彭時記自古宏才碩德之士負人望之重者志不大展於當時名必益彰於後世何也用不究其才而天下共惜之惜之不已至形於言暴諸事則其名在世

愈久而愈彰其榮過於得志一時者遠矣吾安成古蹟
 李先先生負天下重望而官終於祭酒議者蓋深惜焉故
 其卒也尚德君子交章請行哀恤最後巡撫江西俞
 都御史韓公列其功行以請乃得諡爲文毅當是時有
 祠已崇祀於學宮矣今提學僉憲湖陽李公齡復命建
 祠其家蓋先生清德正學追蹤古人方其爲翰林侍讀
 也感太宗文皇帝作養之恩疏陳古今十五事言其切
 直下獄論年乃釋歸皇改元又條十事上之皆人所不
 敢言者錄是激怒宸衷命以金瓜戕之於廷下死降監
 祭御史凡三日章復三上遂下獄宣宗皇帝廟位出於
 獄親鞠之嘉其志仍釋爲侍讀自是忠直之名震天下
 雖庸人孺子皆知其爲正統中自學士爲祭酒當
 國學政教弛敝之餘慨然以成就賢才爲己任嚴條約
 勤課試程才敘進一以至公而取高科躋要途者累累相
 繼化行而人心樂從其出而取高科躋要途者累累相
 繼於是天下皆稱先生之教恩義兼盡真一世之師表
 也既老懇乞休致家居而憂國愛君先生忠毅之氣沒
 齒不衰有如此鳴呼先生不獨忠誠義氣爲世所稱至
 其仁厚之心廉潔正直之行通達宏偉之才雖一世名
 公鉅卿亦無不推高而下之然獨不得並列於公卿以
 大其用以沛其澤於天下宜乎人望不愜而惜之深仰
 之至如此也僉憲公嘗爲國子師局知先生爲詳故景
 仰愛慕尤切而遂欲因以垂教來學此專祠所以建歟
 祠在先生所居之左有門有廡不奢不儉實邑令黃巖

李君會經營以成之其成也司訓桐廬姚君授以書屬
時託鳴呼二三君子倦倦於先生如此非尚德好義之
尤者歟時念先生家食時與先祖交莫逆父叔輩皆受
學焉其教國子也時亦執經在諸生後於先生道德文
章之實耳熟而目詳此不能悉著謹著其概以詔其子
孫與邑之來學俾相為勉慕興起以追芳躅於萬一庶
無負僉慮公之教云 鄒守益記古之君子教然自任
以天下萬世之重故理義為準繩舉利害生死不足以
奪之然後德成名立赫赫乎揭日月而震風霆也後之
君子急近功習小利敗損其身以殉一時之好若禽
夏卉非不快視聽也而汎濫乘之矣有志於自愛者可
不慎所立乎吾告以忠義名天下自歐陽文忠公以至
信國文公皆所謂在精常之重而浩然於天地間者國
朝以來忠文李公慨然以古人自期涉艱履險九死不
悔長孺責難於漢廷廣平正色於思勛亢宗遺愛於大
學疏氏辭榮於少傅舉萃公之一身公歿歸然俎豆於
數君子之閒天下無異詞嗚呼可謂一代之人矣矣正
德乙亥某與王君世文言於于尹桂視忠愍故事專祠
公於城隍之右而未果後六年辛巳庠生王世俊請於
唐杜史龍馬俞尹變鳩工程事始克成之駿奔有楚神
明如在而彼淫昏之鬼覘公之堂習伏階下將含悲而
不顧矣然則及其齒髮之尚存而不思惕然自奮以肖
天形而無忝所生其亦深可哀哉乃為迎享送神之辭
以貽公之曾孫朝聘公俯聽之其有以相我邦人乎辭

已新宮兮殖殖遶豆兮有秩笙鼓喧兮東方瞰公之來
兮如雲百靈衛兮金甲屯懷故邦兮神欣欣欣欣兮改
邦招忠魂兮翱翔夕吸梅馨兮朝浪東陽神之惠兮穰
穰挽天河兮洗下方誅螟螣兮長養鸞鳳千秋報祀兮
恩無疆

廉節祠在城東隅祀明邑人南雄知府劉實正德閒都

御史孫燧建謝志

鄒文莊祠在縣學左祀明贈禮部侍郎鄒守益嘉靖閒

建謝志

劉三五祠祀明御史劉陽一在三峯里人公建一在城

南門人傅應禎等建謝志

劉毅思祠在城南祀明御史劉臺府志

王塘南祠在城東祀明參政王時槐舊講學之地謝志

劉瀘瀟祠在城南門人建祀明禮部主事劉元卿謝志

傅忠諫祠在城東祀明贈大理少卿傅應禎謝志

鄒官洗祠在城南祀明洗馬鄒德溥謝志

劉洞初祠在城南祀明贈太僕卿劉鐸謝志

鄒瀘水祠在城東祀明御史鄒德泳謝志

三惠祠在忠義祠後祀明知縣倪棟俞則全

國朝知縣焦榮同治六年重修縣志

褒忠祠在城北明成化間奉詔建祀御史伍驥縣志

忠義祠在東門內祀咸豐間殉難紳民五百餘人同治

三年建府志

節孝祠在學外大街謝志 以上安福 以

龍泉縣社稷壇在縣北二里宋在水南長慶坊元遷西

莊明洪武七年知縣彭益移建今所謝志 府志

先農壇在東關外雍正四年建謝志府志

神祇壇在縣南二里舊在治西南正覺寺西明洪武七

年移建今所謝志府志

厲壇在北門外社稷壇西明洪武七年知縣彭益建謝志府志

志府

關帝廟在城隍廟左康熙十八年游擊顏斌捐建咸豐

六年燬於寇同治閒紳耆集資修復謝志府志

文昌廟舊在南門外宋淳祐閒縣令何萬選建尋廢明

成化閒邑人項所臨重建明末寇燬

國朝康熙閒知縣趙世麟修復道光二十六年移建古資

福寺左咸豐六年燬同治五年邑紳集資重建府志

城隍廟在五廂宋天聖八年建明洪武閒知縣高德賢

重建

國朝雍正八年邑人梁勳倡修咸豐六年燬八年修葺同

治十年重建

謝志鹿因山川府志宋蔣概記粵昔黃帝伐涿

一成不可毀也內曰城外曰隍始築城邑以居城者成也
久矣城隍之神始於何時無可稽考又爲之立廟祀何
也自秦毒天下列國紛亂而鬼神乏主英精怪質主宰
失次其或山冢萃崩川谷沸裂道隱乎邪德敗乎幽藏
變生災風雨愆期萬物不振黎民受殃恍乎惴乎而有
擇乎坤輿之質者補滄海之缺陷君大道而不屈運元
德於無窮出理陰陽而靈擢決平寰區功施濟平動植
善善惡惡其司人禍福若有權衡度量焉羣駭而驚怖
遂相率而謂之曰此佑國福民郡邑中之守土者所當
祀也無以名之各之曰城隍所謂克茂其績神以義起
者乎祀典雖不見於禮經與社稷壇壝而并重於邦國
凡祭山林川澤邱陵墳衍原隰必舉而爲配享祀事維
虔歲時朔望司牧率屬必躬親謁禱今我朝經國之初
典神天而封錫宇內凡作其高深者咸神以秩之維廟
肇興今擇地建立以欽崇其明禋
予不能卻里人之請於是乎書

龍神廟在城西道光三年知縣文海倡建府志

旗幟廟在治西北明洪武間建

國朝咸豐六年燬同治元年重建府志

黃田廟在三廂相傳卽三閭大夫屈原昔有黃田二姓

同居於此以五月競渡祀神故名乾隆五十九年修建

咸豐六年燬十年重建府志

許真君廟在銀山下長隄右江畔明崇禎十年邑人郭

維經建府志

郭令公廟在縣東十五里光化鄉張邨宋崇寧間建祀

唐郭子儀府志

康王廟在水南長慶坊祀宋康保裔咸豐六年燬同治

元年重建府志

靈濟廟在三十都唐天祐中邑有龔姓兄弟七人俱以

孝友聞兄墮水諸弟救之俱溺死立廟祀之一在縣西北馮舍墩一在縣西田垓宋開禧元年賜額靈濟謝志府志昭靈王廟在縣東五里王邨卽今玉靈祠宋治平間建祀秦石固南唐封爲昭靈宋嘉祐間賜額顯慶元加王號

國朝咸豐六年燬同治間修葺府志

昭濟廟在縣東白泥距城五十里宋宣和間邑人蕭序

辰任本路漕事請於朝賜今額府志

樟公廟在獄禁前祀知縣趙世麟府志

東獄行祠在北門金山下雍正九年建乾隆間燬於火

知縣龔珠重修府志

西嶽行祠在縣西四十里義嶺府志

仰山孚惠祠一在縣南門外今城基祠一在縣東下湖

一在舊學皇覺寺西偏

府志

岳忠武祠在一里馬軍墩岡上祀宋少保岳飛因征彭

友在此立營今改爲庵

府志

義勇祠在銀山塔前卽今接官亭側祀明陳瑄蔣宏佩

三十餘人

府志

明梁朝宗託龍泉古左附邑也控柵

食其力歟則羣聚不逞之徒大肆劫掠刈人如草營今

正德己巳秋八月六日長驅入寇環百里內震驚失指

緹銀遞荒最其焚剽者十六七圍城三晝夜幾登邑長

遺千金賄之乃免庚午間歲十有二目前寇復熾四民

汗駭奪氣視昔尤甚守土者計不知所從出惟閉關自

衛而巳十八都有蔣宏佩弟宏王從姪思緇思夔皆泉

之雄萃於一門合謀吾族梁潛弟梁洪亦營力絕倫者
日強寇深人虔劉我人非親族亦鄰邦也吾其忍諸姑
翦滅此而後朝食乃提兵同往當之義聲既倡一踴慕
義好勇之士雲合響應若劉萬良智集義曾元昌胡仲
廣周遂義郭存高王逸王魁劉榮恩暨順慶永安王安
家等各奮揮白刃戮力同心對壘於縣南四里許正覺

僧牖之後我眾蜂擁犄角之勢雖厥渠魁既相持自朝
至於日中兵官之援不至將君諸人竭力致命屢鎖
屢奮戮賊幾半梟厥首以御於眾賊懼夜逸境內以安
四民咸喜曰莫予毒也已出塗炭而就衽席諸君之力
也夫自喪厥元以活數萬生靈之命雖婦人小子皆知
其烈焉吁義矣哉念諸君大有造於泉人終不可無紀
也浩歌一曲壯而悲之矧禦災捍患在祭法所當
祀者誰其祀之匪私諸人為世道慮忠義勸也

宋四先生祠祀郭知章郭孝友孫逢吉孫棨明洪武三

年知縣高德賢建府志高德賢記泉為吉州偏邑扼

南遂水雙江台壁於西北山川秀麗人物繁昌意必有

高人俊偉挺生於其間吾於宋得四人焉一日郭知章

字明叔治平進士敷愿州邑人為殿中侍御史遷右司

諫立朝風範端凝奏疏原丹遣使為夏人勸和河西事

數輩必之奸不避權路契丹至刑部尚書遷顯謨閣大

以知章報聘詞婉而氣直官至刑部尚書遷顯謨閣大

學士至元祐名從孫正和進士任國子監司業時蔡京

字次仲文毅公對燕雲事當國有不悅者計請瑞金後

再相孝友因奏對獄捐軀從明親按恩貪酷守台幼

提點兩廣東西路刑獄捐軀從明親按恩貪酷守台幼
奏不省累官工部侍郎秦檜與金人約和廷議多不合
悔以孝友同舍生真其附已孝友以為議和本非至計

趙公祠在東門外龍頭里祀宋縣令趙迪之府志
致仕一曰孫逢吉字從之隆興進士知萍鄉縣事以治
最聞除國子博士兼實錄院檢討官遷祕書郎紹興二
年春二月詔求直言疏八事皆中時弊擢爲右正言纔
七十日章二十上詞旨剴切皆人所難言者朱晦菴在
經筵上怒落職逢吉充講筵取詩權輿篇刺康公與賢
者有始而無終代講因於上前爭論甚苦時韓侂胄專
國逢吉獨立不阿一日扈從重華宮侂胄至逢吉不揖
而去會部中舍吏密報僂人王喜除閣職逢吉憐哭廷
陞抗疏力爭之遂以誣詆出知太平州丐祠提舉江州
太平宮卒諡獻簡一日孫臬字實甫獻簡後又山天祥
長妹夫也天祥起兵檄臬招忠義補宣教郎帶行監告
院知吉州龍泉縣事景炎丁丑天祥據兵出贛里人不
與殺之天祥北繫獄集杜詩曰故人有孫宰義均骨肉
地連爲黃土叢揮手灑哀淚此四君子秉天地山嶽之
正氣三綱五常賴以維持不墜泉之都人士大夫莫不
翕然尊之古之有道有德者不仕於國亦得祀於鄉四
公泉人也祭享使百世下聞風而不親炙者奮然有所
感發俾泉之高人俊偉接踵而生無
有終極焉役成欣喜援筆而爲之記

趙公祠在東門外龍頭里祀宋縣令趙迪之府志

昭忠祠在文昌宮左

府志

節孝祠在縣署西

謝志 上龍泉

以

萬安縣社稷壇在縣北一里明洪武七年知縣馮勝建

宏治四年知縣郭英移建西門

國朝雍正十年知縣王美昌改建北門外

謝志 縣志

先農壇在城外石橋地雍正六年知縣蘇習禮建

謝志 縣志

志

神祇壇在南門教場旁明洪武七年知縣馮勝建

謝志 府志

志

厲壇在縣治北明洪武七年知縣馮勝建

謝志 府志

關帝廟在縣右明洪武元年知縣孟孔昭建

國朝咸豐六年燬於寇重修

謝志 府志 縣志

文昌廟在城北舊在學宮乾隆四十九年移建北郭嘉慶二十一年增建咸豐六年燬邑紳陳篤周修復府志縣志

城隍廟在縣西明洪武三年知縣葉鼎縣志作馮勝建

國朝順治間知縣曹鳴鑾康熙間知縣胡樞增建咸豐六

年燬知縣丁日昌修復謝志府志

龍神廟在縣南天符廟左今廢府志

金龍四大王廟在縣南六十里康熙元年建縣志

郭將軍廟唐末人名未詳歿於戰陣民至今祀之府志

羅將軍廟在射州唐時建府志

大廖廟在大廖灘上祀河神府志

萬壽宮在芙蓉門內祀晉許遜嘉慶五年建咸豐六年

燬知縣周之鏞修復府志

舜祠在韶口世傳虞舜南巡於此嘗奏九成之樂後人

名其水曰韶水山曰韶山宋寶祐景定閒僧了敬建買

田以奉祭祀謝志劉辰翁記大州僻邑深山小寺而

周旋博雅之士為之矯首而遐思汎濫游鶩之人為之

褻褻而忘倦亦其所立有在常情之表者則寶祐景定

閒僧了敬之為也方祠未成記先具鄉緇衣持節至其

處問焉見其畫堵基山為讀書堂雖嘉其有志若寓言

者又久之堂成祠成祠成而敬去主龍須其徒慈意者

自仰山歸嗣敬之十五年而買田既百餘石合是

二百敬來求田記刻寺俾有考予笑曰昔節世閒安得

不使來者笑人無能何昔舜之祠者成之難而今之寺

田者獲之易也則亦有聞舜祠之風者也如將為爾并

舜祠記之邪則或謂也以為無謂也山川之下為韶江江韶

未有知夫無謂之謂也寺在韶山山之下為韶江江韶

口里韶漢雖俚說志謬自儒者言之無一可若乃死

中古帝王亦猶幻耳悟則舜在荆琴不悟則陟方乃死

告以韶山見舜事舜如吾師然鄉人士之為我來者如

郭侯書堂如李氏山房士大夫之過其下者如望蒼梧

登九疑要亦何以大相過荒濱絕逕詭為異聞隱為奇

觀遊者如有所慕因徘徊久之而又有感焉向之田者
始由是而積矣人有常言曰知自孰知田之自舜又孰
知日用飲食父子兄弟無一之非舜哉斯民興端無重
華故至此今夫山田二百井田之世不足當上農夫二
人之食然亦有甚難者今夫耕者或不得食販夫夜作
旦而市或不售則不食彼深山大畧不耕不售而不缺
食不惟不缺復有餘而田者積焉今夫望施於人難矣
有得有不得焉再而竭三而倦或不得謝則怨而施之
佛者即其厚如梁蕭氏以其國則小果然施者常不悔
也不惟不悔益腆而田者積焉彼豈皆能一生死齊得
喪道隆行顯且信實有力至此哉迺其迂闊則又若舜
而好德者遠矣山無窮田無窮百年千年之外莫之致而
夫舜祠者理之所不當有而佛之既無用也固有有之
而不事事之而猶無益而二僧以此為無窮且以此不
朽嗟乎昔者萬安永福何至此後舜祠二十三年七月
漢帝祠在龍潭祀漢高祖莫詳始末明嘉靖閒陳文嵩
重修

謝志

宋丞祠在泮街祀縣丞劉功甫

謝志

表忠祠在城南祀明大理卿彭與明道光二十六年移

建橫街縣志

疏源祠在剡溪西祀明工部主事匡思堯嘉靖十五年

建府志

劉端毅祠在城內祀明贈刑部尚書劉玉謝志

懷德祠在城內祀明令桑翹虞守愚萬厯閒知縣王慎

德建謝志

烈孝祠在縣北祀明孝子郭靜萬厯初敕建謝志

崇義祠在城北文昌宮左咸豐六年燬同治十年修復

府志

節孝祠在東門外謝志以上萬安

永新縣社稷壇在縣西三里雍正十年建謝志縣志

先農壇在北門外雍正五年建謝志縣志

神祇壇在治東南一里謝志

厲壇在治北二里謝志

關帝廟在城西武濟橋一在城東街咸豐五年均燬於

寇東廟知縣周祖茈韓懿章先後修葺西廟同治十一

年都司賴永福重建謝志

城隍廟在縣西北隅明洪武間建

國朝咸豐五年燬重建謝志

昭應廟在縣北一名臨池章王廟南唐保大間著靈城

濠上賜今額謝志

靈澤廟在縣南神李唐屬籍兄弟以義烈鬪死宋嘉定

間峒寇犯邑近廟聞鐵馬聲懼而潛退事聞賜今額謝志

馬頰廟在縣東四十里祀水神明隆慶間縣丞應本泉

捐修

府志

尹臺記

馬頰廟不知建自何時其地據邑

碁置若萬馬之怒關飛流突出其中與石相激如雷鳴

舟上下過者往往欹側百折而下舟人戰掉失色安危

須臾間耳以此行者賽神至與黃牛廟比盛而通邑歲

潛數萬斛其幸達二京者皆神之賜也廟以故稱靈顯

云邑少尹永康應君本泉噴茲廟弗治撤新之不數月

工成請余記余惟治民事神吏政之大者應君深知所

以治民矣豈記余神與之異道乎哉在祭法山林川澤能

興雲雨致怪物皆曰神其有功利及民固祀事所不遺

焉者茲廟非其族也邪而使禱祈無所於託饗獻逆而

弗展甚非所以稱民之悅報也應君茲舉可不謂識吏

政先要乎余故記其卒始以示於後隆慶辛未春月

香城廟在治西祀漢召信臣先嘗守零陵過香城有功

縣志

境內故祀之

縣志

鄂王廟在西街祀宋岳飛

縣志

四賢祠在縣治祀唐姚崇宋劉沆明劉定之尹臺

縣志

忠孝義烈祠在治東祀唐忠臣賀泰宋左譽彭震龍張

履翁蕭燾夫元賀仲英姚正叔唐孝子張志元湯德明
明左興兒五代義士劉景洪元義士劉瑜劉琚凡十三
人明萬厯五年知縣龔錫爵建後廢改爲大有倉

國朝咸豐五年燬同治六年復於故址建祠並附祀通邑

陣亡殉難諸人

謝志
縣志

四相祠舊在治東祀唐姚崇牛僧孺宋劉沆明劉定之
嘉靖閒改爲小學萬厯三年知縣龔錫爵復建於東門

內

府志

鄱陽侯祠在城北隅祀南唐南平將軍尹濯

謝志

文忠烈祠在五都錢市距縣二十五里祀宋文天祥

府志

明李賢記三代而下豪傑之士任世道之責者無幾
而所遇有安危之異焉不幸而遇時之危必盡其責而
不負焉斯無愧於天下後世者矣自漢以來能任世道
之責而遭時之危者未有甚於文信公也於戲公於是

時其志愈堅其節愈固瀕於萬死而不死者非貪生也
痛宋祚之傾而興復之志必欲酬之而不回也推公之
心卽諸葛孔明之心光明後偉如青天白日況公之才
足以有爲奈何天不祚宋公竟就死千載之下忠臣義
士讀公之傳未嘗不撫卷而流涕也說者謂公收宋三
百年養士之功若公之心惟知君臣之義重初不計其
養之何如也孔子曰志士仁人有殺身以成仁蓋志士
不以死生爲懼仁人則明死生之理程子曰古人有捐
軀殞命者若不實見得惡能如此泊公自贊孔曰成仁
孟云取義惟其義盡所以得仁至於此公之學也公於世
豈無所見而然哉蓋深有所得於聖賢之學者也公於世
道之責於是乎爲不負焉豈但無愧於天下後世其有
功於名教大矣公死絕後族孫曰克綸家於永新之錢
市讀書尚義嘗出粟助官賑乏朝廷賜勅褒之旌爲義
民乃能景仰前烈作祠堂於所居之南揭公遺像以祀
之其子廷鳳克承先志復增新祠堂適蒙朝廷賜諭忠
烈將改題神主求文勒石以示久遠且俾子孫世守而
不廢寅文學士劉先生主靜公鄉人也屬予爲記以發
揮之子謂文信公大名光垂宇宙前輩文章鉅公形容
贊美殆無餘蘊而不斐之文不贅可也辭之弗獲姑述
其概以貽之天

順三年春月

忠義祠在城南袍陂龍氏建祀宋末能段吳左張譚顏

劉八姓勤王殉難之人

府志

貞節祠在儒學舊址左祀南唐節婦段母吳媛元彭九萬妻李氏左幻白妻龍氏危元貞妻李氏明江繼文妻劉氏李宗輔妻歐陽氏李惕妻劉氏劉持妻陳氏凡八人明萬厯間知縣龔錫爵請建

謝志

譚貞烈祠在舊學址後有八磚影亭祀宋烈婦譚趙氏明宏治中賜額貞烈知縣烏斯道建嘉靖間學徙知縣馮符移建戟門故址

國朝康熙間教諭何屬乾捐建學右趨作霖移復故地乾

隆間族裔尙适等修葺

謝志府志明烏斯道記譚婦死節久未祠四明烏斯道

莅政永新之二年爲洪武十年丁巳五月十一日爲擇葬宮興文閣西南辟大池上建祠設主以補缺典蓋以婦死而聖人是依今祠而依乎聖人庶以妥其靈焉婦姓趙氏名逸不聞古廬陵之永新人也生有淑質嫁

同里譚氏子年二十有七元至元十三年丙子江南內
附越一義丁丑宋丞相文天祥恢復有書約女弟之婿
彭震龍起兵以是歲七月十有九日兵內外合發震龍
亦永新入盟同邑張履翁顏思理先一月起與降將劉
槃并槃之裨將蕭明合戰禾新而丞相之兵不至遂敗
與北軍突入城城中大亂民咸負攜遁逃婦抱所乳子
妻女不不畏已軍欲犯節婦罵曰吾舅姑死於汝吾保
身以生且不可況辱身以覲生乎固不屈軍怒因併乳
子殺死殿庭中時有屠者遊殿前庭相梁上下視婦死
事爲詳遂傳聞至今逾百有餘歲而婦與子之形在煨
庭磚上鉅細畢具後有守土者弗信以沙石盪磨或煨
以烈火試之形影愈見於戲常趙宋之季朝廷培植人
物皆以科第進崇爵厚祿至白首耄耋不以忠烈事講
之秘而責之深哉及乎版圖失守神器從焉而向之崇
爵厚祿者乞降走匿不暇其肯死節者幾何人哉茲以
一婦人能懷慨死節與同郡文文山光後相照垂名史
冊豈不重可慕邪且其生時精氣素已貫諸金石不可
磨滅況死於聖人之殿庭聖人之靈尤表而出之者哉
若是祠而歲時祀之宜也使風俗益有以勵焉國朝
金姓記往余讀宋史載永新譚貞烈殉難學宮血淋漓
入磚作婦抱兒狀磨以石煨以火其迹不滅心異者久
之乾隆十七年奉命典江西試譚生尙述中式
蓋貞烈族裔也謁見時詢以八磚遺迹生具述仍藏禮

殿血痕益加鮮明事閱四代近五百年金銷石裂不可
 勝數一片熱血瑩然如故正氣之不可漫滅如是哉貞
 烈死節在元至元十四年祠則始於有明之初時吾浙
 四明烏君斯道為邑宰雅尚節義為建祠設主以彰幽
 光厥後郡守張君本請加恤典敦建坊祠賜額貞烈春
 秋命邑長詣祭所以表崇者至矣國朝自邑令趙君
 作乘改建後生父國彥曾加尊理近漸傾圯生因集諸
 派謀所以重新之時岸生謂珠鄉飲生浩太學生觀光
 學舉實共贊襄諸族入踴躍輸其後為寢堂堂前東
 西屋各數椽為浴室為祭器所其下覆以迴廊綠以圍
 屏懸所賜額於上簷櫺整齊金碧輝映視舊制亦加壯
 麗云譚氏為邑中望族宋社將屋時貽數大姓起兵應
 文信國事敗攜子女沈江潭者三千餘人後人名其潭
 曰忠義立祠於其上忠孝節義而譚氏塚於一門炳彪
 天地植綱常者惟此忠孝節義而譚氏塚於一門炳彪
 史冊宜其人文蔚起歷數百年而不衰也余故因生誌
 而樂為之記明尹臺詩二章并序邑譚婦趙氏事赫
 赫耀人耳目垂三百年當其時海內遭極變斧碎之流
 能以烈節著奇蹟者獨婦與譚縣王如二人耳抑是時
 余邑起義勤王以應文信國而羅夷滅者蓋八族故烈
 婦一門駢死靡孑遺而郡邑掌故卒亡所著載哀哉茲
 祠肇建於國初令長四明烏侯斯道宏治間中丞錢塘
 張公本守吾吉時特以聞朝詔賜今祠額春秋致祭成
 有司莅事其烈益光顯頃廟學既遷余諗於前邑長東

吳馮侯符言烈婦實有功先聖師之教刑血影在故禮
 殿前楹中不可厭燦失敬蓋移祠據廟戟門故陞令碑
 影當其後覆以一亭庶永久無教壞馮侯是之顧祠位
 雖正然其宇規式不甚稱今仁知陳侯至禁他役之擾
 民者獨加意茲祠命工亟夜治之於戲崇風化以振未
 俗侯其識政理之先要哉余訪祠舊感者成近律二章附
 獲殘錄一秩致侯爰述昔今所嘆感者成近律二章附
 請正云鼎移誰不汚風塵一婦臨危獨殞身生誓丹心
 甯負新今古烈名曉擬並禾山嶺廟高天近干仞宮牆
 傲日新今古烈名曉擬並禾山嶺廟高天近干仞宮牆
 二百州東南降職忍包羞勤王八族兵先殲死賊一門
 婦可留伏野貞魂依禮殿江山遺恨漫纏緜天常未向
 中間絕正氣
 吾那昔所流

節孝祠在學外右咸豐五年寇燬同治五年重建謝志縣

志以

永甯縣社稷壇在縣西三里明成化間知縣胡舉遷西

灘頭嶺謝志府志

先賢道在北關外謝志

神祇壇在縣東二里

謝志

厲壇在縣北百步明洪武七年知縣韓惟善建

謝志

關帝廟在縣治西一里觀音閣右明萬厯間知縣曹良

貴建

國朝乾隆八年大水衝圯九年知縣奚成璞倡修五十八

年知縣吳詒澧重修

府志

文昌廟在學左雍正十年教諭黃光旦倡建後改爲寫

經閣

府志

城隍廟在縣東明洪武十二年知縣王宗復建萬厯間

至

國朝雍正間先後重修咸豐六年燬於寇九年復建

謝志

志

龍神廟在縣西一里灘頭洲明嘉靖二十四年知縣梁

爵自嶺口移建

府志

元極廟在北門外明嘉靖三十年知縣張節建歲久漸圯

國朝乾隆四十七年知縣沈肇泗修

府志

南嶽廟在縣西三里羅陂

府志

水府廟在六保迴碧亭明宣德九年建

國朝嘉慶二十五年重修

縣志

康王廟在八保橫路距城十里

府志

靈澤廟一在縣東街一在西街卽永新靈澤廟之神

府志

忠義廟在五保老城下

府志

劉王祠在永甯濱江礮石上祀漢高祖莫詳始末明嘉

靖閒鄉賓尹文嵩等重修

謝志府志

蜀先主行祠在漿山里人有劉姓者商於成都因家焉

後子孫歸遂奉祀早禱輒應

謝志

興祚王行祠在縣東三十里九保鸞嶺上

府志

水土神祠在羅陂口巨石上典史石彬爲修陂塘而立

府志

楓仙祠在六保城邊山嶺中後移本山水口

府志

節孝祠在學外右

謝志以上永甯以

蓮花廳社稷壇在鷲西鄉六慕邨乾隆十年建

府志

先農壇在六慕邨乾隆十年建

府志

神祇壇在六慕邨乾隆十年建

府志

厲壇在廳西隅承天坪

府志

關帝廟在治西乾隆九年同知黃增厯建道光十四年

同知程國觀移建學宮右府志

文昌廟在考棚後嘉慶十五年建府志

城隍廟在治西乾隆二十二年同知張蘭建咸豐間寇

燬同治五年同知張樹煊重建府志

龍神廟在中洲乾隆二十六年同知敏文建府志

四賢祠在上西鄉書堂郝明萬厯時劉瀘瀟建府志

劉聘君瀘瀟先生祠在上西鄉南溪郝府志

節孝祠在學闕門左乾隆二十四年建府志以蓮花府志

江西通志卷七十五